

3-47

საქართველოს  
საბავშვო ჟურნალი

# პიონერი



№ 12  
1929

სახეცვლილი



# გაუმაჯოს ანიერკავკასიის კმურ ხალხთა კულტურულ კავშირს!

ეროვნული  
თავისუფლება

## ჩვენი პიონერული სალამი სომხეთის და აღერბაიჯანის საზმრთა მწერლებს!

## ჩვენი მხურვალე პროლეტარული სალამი სომხეთის და აღერბაიჯანის პროლეტარულ მწერლებს!

ა/წ. 12 ივნისს, დილის 9 საათზე, საქართველოში ჩამოვიდნ სომხეთის და აღერბაიჯანის მწერლების დელეგაციები.

სტუმრებს სადგურზე შეხედნ მთავრობის, პარტიულ-კომკავშირული და პროფესიონალური ორგანიზაციების, წითელი არმიის, პრესის, საქ. საბჭოთა მწერალთა ფედერაციის, ფაბრიკა-ქარხნების მუშების და სხვათა წარმომადგენლები.

დელეგატები დაიყოფიან ჯგუფებად და დაათვალიერებნ ზაპესს, ნატახტარის წყალსადენის სამუშაოებს, მათდის ფაბრიკას, სტალინის სახელობის ქარხანას, სახკინმრეწვის ფაბრიკას და სხვა.

დელეგაციების საქართველოში მოგზაურობა გადაღებული იქნება სახკინმრეწვის მიერ.

სომხეთისა და აღერბაიჯანის მწერალთა დელეგაციები საქართველოში ერთ კვირას დარჩებიან და ადგილობრივ გაეცნობიან სოციალისტურ აღმშენებლობას, კულტურულ მშენებლობას საქართველოში.

საქართველოს საბჭოთა მწერლების დელეგაციაც იყო სომხეთსა და აღერბაიჯანში, სადაც ის მხურვალედ და ძმურად მიიღეს. საქართველოს დელეგაცია გაეცნო ადგილობრივ იმ გივანტურ აღმშენებლობას, რასაც აწარმოებნ მუსავატელების და დაშნაკების მიერ გაპარტახებულ სომხეთსა და აღერბაიჯანში.

სულ ამ ათი წლის წინად, როდესაც ამიერკავკასიაში მშრომელ ხალხზე მენშევიკები, დაშნაკები და მუსავატელები ბატონობდნ, მშრომელი ხალხის ეს ჟანდარმები,

სისხლის სამართლის დანაშავე ბანდიტები, მოძმე ერებს ერთიერთმანეთს უსევდნ და მათ შორის ეროვნულ შუღლს სთესავდნ.

საბჭოთა ხელისუფლებამ ეს „სისხლიანი მემკვიდრეობა“ არქივს გადასცა, და მშრომელი ხალხების ჯალათების მიერ ხელოვნურად და ძალადობით დაშორებული ამიერკავკასიის მოძმე ხალხები კვლავ შეერთდნ ერთ ოჯახში შრომის და ურთიერთდახმარების საფუძველზე.

მოძმე რესპუბლიკათა პოლიტიკური და ეკონომიური კავშირის განმტკიცების და სოციალიზმისაკენ სვლის თავდებია ამიერკავკასიის რესპუბლიკათა ფედერაცია.

ამიერკავკასიის შემდგომი წარმატება და განვითარება მოითხოვს არა მხოლოდ მის პოლიტიკურ და ეკონომიურ სიმტკიცეს, არამედ მოძმე ხალხთა კულტურულ დაკავშირებასაც, კოლექტიურ მუშაობას პროლეტარული ახალი კულტურის შექმნისათვის.

სომხეთის, აღერბაიჯანის და საქართველოს მწერლების ეს შეხვედრა ამიერკავკასიის ცენტრში — ტფილისში — უნდა გახდეს საწინდარი კულტურის მუშაკთა დაკავშირებისა და საფუძელიანი ბრძოლისა შოვინიზმის და ნაციონალიზმის წინააღმდეგ.

ჩვენი მხურვალე სალამი მოძმე რესპუბლიკათა საბჭოთა მწერლების ინტერნაციონალურ კავშირს!

ჩვენი პიონერული სალამი მოძმე რესპუბლიკათა საბჭოთა მწერლებს!

### შ ი ნ ა ა რ ს ი:

1. თავისუფლებისათვის მებრძოლი — გ. ჩერევეკოვის	88.	1.	7. ტრაქტორი — გ. პარკაძის	10.
2. სოფლად მოვალთ მტკიცე რაზმი — ლექსი — ი. აბაშიძის	4.	2.	8. გაზეთი	12.
3. გოჩა — გ. კობელის	5.	3.	9. მურზაყან და უჩა — მ. კეკელიძის	14.
4. მაშინ — ა. ჩაჩიბაიასი	7.	4.	10. მეცნიერება და ტექნიკა	15.
5. მინდვრად — ლექსი — გ. გაბესკირიასი	7.	5.	11. სომხეთისა და აღერბაიჯანის მწერლები საქართველოში — გარეკანის მეორე გვერდზე	
6. როგორ იდღესასწაულა პირველი მაისი ფრანგის ბიჭმა ლიულუმ	9.	6.	12. საბჭოთა კავშირის შორეულ კუთხეში — ხანის — გარეკანის მესამე გვერდზე	
		7.	13. პოლონეთის ფაშისტები — გარეკანის მეოთხე გვ.	



# პ ი ო ნ ე რ ი

1929

30 ივნისი

საქართველოს ბ. კ. ო. ცენტრალური და ტფილისის ბიურო-  
ვების და განათლების სახალხო კომისარიატის სოციალური  
აღზრდის მთავარმართველობის ყურნალი ბავშვებისათვის

წელიწადი IV  
№ 12



### სამიკიტნო.

ეს იყო ჩვეულებრივი სამიკიტნო, როგორც ბლო-  
მალაა ზღვის პირად. გაღებულ ფანჯრებში სინესტის  
ძლიერი სუნი იჭრებოდა.

დაბალჭერიან გრძელ ოთახში რვეალ მაგიდასთან  
იჯდა იტალიელების მხიარული ჯგუფი. მელოტ მიკიტანს  
ცოტათი მაინც რომ გაეგო, თუ რას ლაპარაკობდა ეს  
ხალხი, ის დაზვასთან თავის ქინდრვას თავს გაანებებდა,  
მაგრამ ეს იყო რუსი, რომელიც ვალდებული არ იყო  
სცოდნოდა იტალიური ენა, ვინაიდან მისი სამიკიტნო  
რუსულ ქალაქ ტავანროვში იყო, აზოვის ზღვის ნაპირას.

ცხარე ბაასის დროს კარებში გამოჩნდა პატარა ტა-  
ნის ახალგაზრდა იტალიელი, მეზღვაურის ფორმაში, რო-  
მელსაც ამშვენებდა შემოდგომის ცის ფერი ცოცხალი თვა-  
ლები.

იტალიელები დაჩუმდნენ. მეზღვაურმა მოიხადა ქუ-  
დი, მიჯდა კუთხეში და ხარბად დაიწყო სადილის ჭამა.

რვეალ მაგიდასთან მსხდომებს დაავიწყდათ მისი  
იქ ყოფნა. შავწამოსასხამიანმა და ფართოქუდიანმა  
ახალგაზრდამ გადაისროლა სკამი და ასწია ხელი.

— მეგობრებო! სთქვა მან ნაღვლიანად — თქვენ  
ამბობთ: იტალია... მაგრამ განა ის არსებობს? განა მისი  
სხეული დაგლეჯილი არაა ნაწილ-ნაწილად ავსტრიელე-

ბის, მეფეებისა და ეკლესიის წმინდა მამების მიერ? და  
განა ამ მტაცებლებმა არ წაუჭირეს კლანჭები ყელში  
ჩვენს დიდ ხალხს? რომის მოედანზე ჰკიდია თავისუფლე-  
ბისათვის მებრძოლი შვიდი ადამიანის გვამები, მოქალა-  
ქეთა შესაშინებლად დაკიდებული. და ეს სად? ჩვენი  
ქვეყნის გულს ჩაერჭო „წმინდა“ პაპის ხარბი კლანჭები...

ის გაჩუმდა, დამანჯა ტუჩები და მკერდზე მიიყრდ-  
ნო ხელები. მის პირველ სიტყვებისთანავე კუთხეში მჯდომ-  
მა მეზღვაურმა ყურები დაცქვიტა და მისი ჩანგალი ჰაერ-  
ში შეჭერდა. შემდეგ მან ფრთხილად დასდო ჩანგალი  
თევზზე და მთელი ტანით წინ წამოიწია, არ ამორებდა  
რა თვალებს მოლაპარაკეს.

— ან რა ხდება სხვა ქალაქებში, — განაგრძობდა  
ის, — საუკეთესო ადამიანები სარდაფებში იტანჯებიან, ამო-  
რჩეული პირები შეცვლილია მექრთამე მოხელეებით, მთე-  
ლი მხარე განაწილებულია ავსტრიის და საფრანგეთის  
მეფეებსა და პაპს შორის, საშინელ სიღარიბეში ჩავარდა.  
ხალხი მთებში გადის და ყაჩაღთა ბანდებს აწყობს... სარ-  
დინიაში სწავლის მიღება დაშვებულია მხოლოდ მდიდრე-  
ბისათვის... პიემონტში — ჩვენი იტალიელი მეფეა, მაგ-  
რამ განა ამით უკეთესია მისი მონებისთვის — იტალი-  
ელებისათვის?... ნებალოში...



— შეჩერდი. კუნეო! — შეაწყვეტინა მას აღღვებულ-  
მა ხმამ. — შენ დანით სერავ ჩვენს ჭრილობებს. სთქვი,  
როგორ მოვიქცეთ?

კუნეოს მკრთალ სახეს წითელი საღებავი გადაესხა.  
ჩქარი მოძრაობით ამოიძრო მან საქამრედან გრძელი ხან-  
ჯალი და ჰაერში აათამაშა.

— აი რა! — დაიყვირა მან აქლოშინებულმა.

— აჯანყება! რევოლუცია! იტალია არ არსებობს!

— ჩვენ შევქმნით მას ხელმეორედ! მაშ გაუმარჯოს  
თავისუფალი იტალიის დიდ რესპუბლიკას!

ძლიერი ხელი დაეცა მას მხარზე. კუნეომ მოიხედა.  
ნაცრისფერი თვალები უყურებდა მას აღფრთოვანებით  
და მხიარული განცვიფრებით.

— მე პირველად მესმის ეს, — სთქვა თითქმის ჩურ-  
ჩულით მეზღვაურმა და მიიწვედა მჭიდროდ მისკენ, —  
მასწავლე, მთლიანად როგორ გადავდო თავი რევოლუ-  
ციისათვის...

აღღვებისაგან მას ხმა ჩაუწყდა.

— შენი სახელი? — შეეკითხა კუნეო, გამოცდით  
უყურებდა რა მას.

— ჯუზეპე გარიბალდი, — უპასუხა მეზღვაურმა, რო-  
მელსაც თვალები ძალზე უბრწყინავდა.

ეს მოხდა 1830 წელს. ამ მომენტიდან გარიბალდმა  
მთელი თავისი სიცოცხლე მეფეების და პაპის წინააღმდეგ  
ბრძოლას შესწირა.

**ამერიკის თავისუფლებისათვის.**

გარიბალდის დიდი დამსახურება მიუძღვ-  
გორც მებრძოლს იტალიის თავისუფლებისათვის, პატარა  
სამთავროებად დაქუცმაცებული იტალიის გაერთიანების-  
ათვის, როგორც იტალიის რესპუბლიკისათვის მებრძოლს.

გარიბალდი იტალიელი იყო. მაგრამ ის იბრძოდა  
არა მარტო თავის იტალიელთა განთავისუფლებისათვის,  
ის იბრძოდა არა ნაკლებ ამერიკისა და საფრანგეთის თა-  
ვისუფლებისათვის.

პიემონტის მეფემ გარიბალდის სიკვდილით დასჯა  
გადაუწყვეტა რევოლუციონური აჯანყების მოწყობისთვის  
და ის იძულებული იყო გაქცეულიყო სამხრეთ ამერი-  
კაში. აქ ის გამოეცხადა პატარა ქვეყნის — რიო-გრან-  
დის — მთავრობას, რომელიც აჯანყებული იყო ძლიერი  
ბრაზილიის იმპერატორის წინააღმდეგ და შესთავაზა თა-  
ვისი თავი. მას ჩააბარეს ჯერ ახალგაზრდა რესპუბლიკის  
მთელი ფლოტი, რომელიც შესდგებოდა... ერთადერთი  
პატარა ხომალდისაგან, რომელზეც არ იყო არცერთი  
მეზღვაური. შეჰკრიბა რა კომანდა თექვსმეტი მოხალისე-  
საგან, გარიბალდმა დაიწყო რესპუბლიკის დაცვა ზღვაზე.  
ის იცავდა მას ისეთი წარმატებით, რომ იმპერატორის  
ხომალდებს ეშინოდათ დაეტოვებიათ თავისი ნაპირები.

პირველსავე ბრწყინვალე შეტაკებისას გარიბალდმა  
ტყვედ ჩაიგდო მოწინააღმდეგეთა ხომალდი. კომანდამ  
გაქცევა მოასწრო. ხომალდზე დარჩა მხოლოდ რამდენიმე  
მონა — ზანგი. გარიბალდმა წინადადება მისცა მათ დარ-  
ჩენილიყვნენ მასთან სამსახურში მეზღვაურის ჯამაგირზე.  
ზანგები შეიშმუშნენ და ჩაიხითხითეს.

— რას ნიშნავს ეს? — გაკვირდა გარიბალდი (ის  
ინგლისურად ელაპარაკებოდა ზანგებს).

— ჩვენ გვესმის, — სთქვა მათ შორის ხნიერმა, — ბა-  
ტონი მხიარული კაცია, ბატონს უყვარს ხუმრობა.

მხოლოდ შემდეგ მიხვდა გარიბალდი ყველაფერს,  
ამერიკაში ზანგები მონები იყვნენ, თეთრები მათ უფრო  
ცუდად ეპყრობოდნენ, ვიდრე ცხოველებს. ნუთუ შეეძ-  
ლოთ დაეჯერებიათ ამ უთუფლებობებს, რომ გარიბალდი  
სერიოზულად აყენებს მათ თეთრი მეზღვაურების  
გვერდით?

გარიბალდი ისე აღივრდა, რომ მთლად გაწითლდა.  
ღრმა აღშფოთებამ შეიპყრო ის ამ დაბეჩავებული ადამი-  
ანების შეხედვითანავე. როდესაც დაარწმუნა ისინი თა-  
ვის გულწრფელობაში, ზანგები კინაღამ შეიშალენ სიხა-  
რულისაგან. მალე გარიბალდი ტყვედ ჩავარდა. ის შეე-  
ცადა მეკობრეების დახმარებით გაქცეულიყო, მაგრამ შე-  
იპყრეს და მიგვარეს გუბერნატორ მელანს.

— ვინ გშეულოდათ გაქცევაში? — მრისხანედ შეე-  
კითხა მელანი ტყვეს.

გარიბალდი სდუმდა.

— მიპასუხებთ თუ არა? — დაიყვირა გუბერნატორმა  
და სილა გააწნა.

გარიბალდი არ განძრეულა და პირიც არ გაუღია  
მისი თვალები ზიზლით მისჩერებოდა მელანს.

— მაშ ასე! — ხრინწიანად წარმოსთქვა გაცოფე-  
ბულმა გუბერნატორმა და მიძართა მცველებს: — აიძულეთ  
სთქვას ამ ვაჟბატონმა!

გარიბალდის შეუპყრეს ხელები, მიაბეს ზედ დიდი  
თოკი და გადაადგეს ჭერის ძელზე. ხუთი კაცი მოეკიდა  
თავისუფალ ბოლოს. ნელ-ნელა ავიდა გარიბალდის სხეული  
და აქეთ-იქით ქანაოზდა.

მელანმა შეხედა გარიბალდის დასასხლიანებულ თვა-  
ლებს და და კინვით შეეკითხა:

— იმედია, ახლა გააღებ პირს?

— ჰო! — ჩუმად ჩაილაპარაკა გარიბალდმა (ძლიერ  
ამოძრავებდა ტუჩებს), — აი ამისათვის! — და პირში მია-  
ფურთხა გუბერნატორს.

გარიბალდის დიდხანს სცემდნენ, მაგრამ ის გამო-  
კეთდა და მალე გაითავისუფლა თავი.


თორმეტი წელი გაატარა გარიბალდმა ამერიკაში,  
ეხმარებოდა რა აღმოცენებულ რესპუბლიკებს დამოუ-  
კიდებლობის მოპოვებაში. მან ჩაიდინა გასაოცარი გმი-  
რობანი, მისი სახელი მთელ ქვეყანას მოედო. ბოლო წლებ-  
ში ის დანიშნეს ერთ-ერთი რესპუბლიკის მთელი შეიარა-  
ღებული ძალების მთავარსარდლად. ერთხელ მას მოახსენ-  
ეს, რომ ტყვედ ჩავარდნილა გუბერნატორი მელანი.

— გაათავისუფლეთ! — გასცა ბრძანება გარიბალ-  
დმა. — დეე, იცოდეს მან, რომ არა ჰყავთ პირადი მტრები  
იმათ, ვინც თავისუფლებისათვის იბრძვის. დააჩქარეთ! —  
დაუმატა მან მოუთმენლად — თორემ მეშინია, არ მეყოფა  
ნებისყოფა და შესაძლებელია დავახრჩო!

**„ათასი“**

იტალიის მახლობლად მდებარეობს პატარა მოლუ-  
შული კუნძული კაპრერა. ერთის მხრივ პირდაპირ  
წყლიდან იზრდება ქვის კედელი. მეორე მხრივ კლდეები  
ეშვება ზღვაში. ბორცვი ქარი სიროკო ღრიალებს ხეო-  
ბაში და უერთდება ტალღების ხმაურს. ამ დაუსახლე-  
ბელმა მიწამ მიიპყრო გარიბალდის ყურადღება თავისი  
მოლუშული სილამაზით და იტალიასთან სიახლოვით.  
თავის მდივან ბასოსთან ერთად აქ ააშენა მან პატარა  
სახლი და მოთმინებით ელოდა, თუ როდის დაუძახებდა





მას იტალია. მანამდე კი მიწათმოქმედებას მიჰყო ხელი, დაამუშავა მიწის ნაკვეთი, გააშენა ბოსტანი, დარგო ხილის ხეები და ვაზი.

დიდხანს არ მოუხდა ცხოვრება სამარტოვეში: იტალიის სხვადასხვა კუთხიდან ნახულობდნენ მას გადარჩენილი რევოლუციონერები. პატარა, ღარიბად მოწყობილ ოთახში ისინი იმუშავებდნენ იტალიის განთავისუფლების ყოველ გეგმას. ასეთი საუბრების შემდეგ მიდიოდნენ ისინი კუნძულის შუაგულში, გარიბალდის მიერ აშენებულ „ვატიკან“-ში<sup>1)</sup> — ძველ ფიცრულ სარდაფში, იქ გარიბალდი ზემოთ წარუდგენდა ხალმე მათ ძველ გაქუცულ ვირს, რომელსაც მოწიწებით ეძახდა უწმინდეს პაპ პიი მე-IX<sup>2)</sup>.

1860 წლის ერთ მაისის დილას ბასომ უთხრა მთელ ღამეს უძინარ გარიბალდის:

--- მზადა!

ეს იმას ნიშნავდა, რომ ორი სავაჭრო ხომალდი, გენუაში ხელში ჩაგდებული, ზღვაზე მდებარე სოფელთან მიიყვანეს. გარიბალდი მიუახლოვდა ნაპირზე დაწყობილი მოხალისეების მარჯვენა ფლანგს. გარიბალდი უკვე 53 წლისაა. ვერცხლის ფერი გადაჰკრავს მის წითურ გრძელ თმებს. ის უკვე ორჯერ იყო ამერიკაში, ვინაიდან სდევნიდნენ იტალიის მთავრები. ის იბრძოდა იტალიის სხვადასხვა კუთხეში, იპყრობდა მთელ ოლქებს, მაგრამ გამცემლობა და ლალატი აიძულებდა ხელახლა დამალულიყო კაპრერაში. პონჩო (ამერიკული პლაშჩი), ამერიკულ და იტალიურ ლაშქრობათა დიდებას მოწმე, არ ფარავს გრძელ წითელ ხალათს, რომელიც ცეცხლივით ღელავს. ამ ხალათისათვის, რომელსაც ის არასდროს არ იშორებდა, მტრები „წითელ ეშმაკს“ ეძახდნენ.

აღურთოვანებული უამრავხმიანი ძახილი ხედება ბელადს. ის სწევს ხელს. მოკლე მისალმება. შეეკითხა ბასომ:

— რამდენი ხართ აქ?

— ათასი კაცი.

— საკმარისია, რომ ავბარგოთ ათეული მეფე, არა? — მხიარულად შეეკითხა გარიბალდი.

მხიარული კიჟანით მისცეს პასუხი. ეს სახელგანთქმული „ათასი მალე ცნობილი შეიქნა მთელს ქვეყანაზე. მით გარიბალდიმ გაილაშქრა ნეაპოლიტანიის მეფის წინააღმდეგ, რომელსაც ჰქონდა ციხე-სიმაგრეები, არტილერია, ასიათასიანი რეგულარული არმია და ძლიერი ფლოტი. რევოლუცია გარიბალდელების წინ მიდიოდა. მათი მიახლოების შესახებ პირველ ცნობისთანავე მოსახლეობა ფეხზე დგებოდა ქალაქებსა და სოფლებში და საბოდა მეფის ხელისუფლებას. მთელი იტალია აფორიაქდა. იტალიის მრავალრიცხოვანი სამთავროებიდან მოხალისენი მიილტოდნენ გარიბალდისაკენ. ათი ხომალდი მოვიდა მის განკარგულებაში. დაძლეულმა ნეაპოლიტანიის მეფემ გარიბალდის წერილი მისწერა, რომელშიაც პირობას იძლეოდა შეეძლო ხალხური მართველობა, აღედგინა ამორჩევითი თანამდებობანი და „ეჩუქებია“ ხალხისათვის ყოველგვარი თავისუფლება.

— გვიანაა, — სთქვა გარიბალდიმ, უკვე მეტს მოვიტხოვო.

დაუსვენებლივ მიიწვედა ის ნეაპოლისაკენ.

ბიძია პე.

— ჩვენ მაინც შევალთ დღეს ნეაპოლში, — სთქვა გარიბალდიმ, გადაავლო რა თვალი სამხედრო საბჭოს.

— მაგრამ ხალხი ამ ლაშქრობებისაგან დაღლილია და ფეხზე ვეღარ დგება, — შეეცადა წინააღმდეგობას ვილაცა.

— მე ვთქვი!

ის იმას ნიშნავდა, რომ ბრძოლა უკვე გადაწყვეტილია და ამაზე სჯა-ბაასი ზედმეტია.

ხმლების ჩხარუნით წამოდგენ მეთაურნი.

— გვიბრძანებთ შერების საყვირის დაკვრას? — შეეკითხა ადიუტანტი კრისპი.

— პირიქით, არაფრით არ შეაწუხოთ ხალხი.

სახეებზე გაოცება აიხატა. გარიბალდიმ ჩუმად, ჩაცინებით მოიხსნა ხმალი და რევოლვერი მაგიდაზე დაავლო; მიიღეთ ჩემგან სარდლობა ჩემი აქ არყოფნის დროს, — დამშვიდებით სთქვა მან.

— რას ნიშნავს ეს? — წამოიძახა ადიუტანტმა.

— ანდატე! (იტალიურად ნიშნავს: გაეთრიე) — წამოიყვირა გარიბალდიმ, და მისი თვალები გაბრწყინდა. ამ სიტყვას კარგად იცნობდნენ გარიბალდელები. ოთახი დაცალიერდა, მხოლოდ მდივანი ბასო იდგა მაგიდასთან.

— გსურს გასეარნება ჩემთან ერთად? — შეეკითხა მას გარიბალდი.

რამდენიმე წუთის შემდეგ ისინი რკინის გზის პატარა სადგურზე იყვნენ, რომელიც გარიბალდელთა ხელში იყო.

— ორთქლმავალი ვაგონით — ნეაპოლამდე! — გასცა განკარგულება გარიბალდიმ.

— ნეაპოლამდე? — შეეკითხა, არა სჯეროდა რა თავისი ყურების, სადგურის უფროსი.

— ჩქარა! — მრისხანედ დაუმატა გარიბალდიმ. დამაყრუებელი ხმაურით გარბოდა არაჩვეულებრივი მატარებელი მეფის ძლიერი ჯარის მიერ დაქერილი ნეაპოლისაკენ, და უკან რჩებოდა სადგურები. გარიბალდიმ და მისმა მდივანმა მშვიდად ჩაიარეს გაშემუბული ჟანდარმის გვერდი ნეაპოლის სადგურის ბაქანზე. შემდეგ ისინი ჩასხდნენ ღია ეტლში და სასახლისაკენ გასწიეს მიუახლოვდნენ ყაზარმებს. მეფის ოფიცრებმა (სადგურიდან გაფრთხილებული იყვნენ გარიბალდის საკვირველ გამოჩენაზე) გასცეს განკარგულება ესროლათ. გარიბალდი ადგა ეტლში, დაეყრდნო ბასოს და დამატყვევებლად იღიმებოდა. რომელიც ჯარისკაცმ დაუშვა ოფი.

— იტალიელებო! — აღერსიანად სთქვა გარიბალდიმ.

— თქვენი თოჯები მიშვერილია არა იმ მხარისაკენ. შეინახეთ თოფის წამალი მეფეების საწინააღმდეგოდ, რომელნიც იმონებენ იტალიას.

— ევვივა (იტალიურად „გაუმარჯოს“) გარიბალდი! გაისმა აღელვებული ხმა მარჯვენა ფლანგიდან.

ყველგან უკვე რახუნობდა კარები. და ქუჩებს მცხოვრებნი აწყდებოდნენ, აივნები გაიგსო წითელი დროშებით და ყვავილები წვინასავით ეცემოდა გარიბალდის ეტლს. ათ საათს მთელი ნეაპოლი ყარაულობდა სასახლის ფანჯრებს, აიდანაც უკვე მოასწრო გაქცევა მეფემ და სადაც ახლა დროებით დაბინავდა „წითელი ეშმაკი“, შეუდარებელი „ბიძია პე (პე — შემოკლებით ჯუზეპე). ხალხის მხიარული ყვირილისაგან ფანჯრები ზანზარებდა, და გარიბალდი ყოველ წუთს გამოჩნდებოდა ხოლმე აივანზე

1) ვატიკანი — პაპის სასახლე რომში.  
2) პიი მე-IX — პაპი, რომელიც განაგებდა იმ დროს რომის ოლქს.



და უპასუხებდა მილოცვებზე, ბოლოს მის მაგიერ გამოჩნდა ბასო და როდესაც ყვირილი შენედა, მორიდებით სთქვა:

— მოქალაქენო! ჯუშუბე გარიბალდი ძალზე დაქანცულია ლაშქრობებით, მას ახლახან ჩაეძინა სავარძელში.

— დეე, ტკბილად ეძინოს ბიძია პეს! — გაისმა ზარივით ხსა.

— სს! სს! ჩუმაღ! — მოისმა ყოველი მხრიდან, და უზარმაზარი მასა ნელ-ნელა დაიშალა.

**რომი ან სიკვდილი.**

დაიპყრო რა ნეაპოლიტანიის ოლქი, გარიბალდემ დაიწყო მზადება მთელი იტალიის და უპირველეს ყოვლისა მისი სატახტო ქალაქის რომის განთავისუფლებისათვის. აქ გამოჩნდა ვადაულახავი სიძინელენი. მას ემუქრებოდნენ საუცხოვოდ გამოწვრთნილი და შეიარაღებული უცხოეთის რეგულარული არმიები, გარიბალდელები კა წარმოადგენდნენ პარტიზანულ ჯარს, ძლიერს თავისი ენტუსიზმით, მაგრამ ამ ჯარის უმრავლესობა იარაღის ხმარებაში არ იყო გაწვრთნილი. ასეთ პირობებში ბრძოლის წარმოება უაზრობა იყო, და გარიბალდემ თავისი მიზნის მიღწევისათვის უკიდურეს საშუალებას მიმართა: მან შეჰკრა კავშირი ერთადერთ პიემონტის მეფე ვიქტორ ემანუილთან. მაგრამ ის მოსტყუდა ანგარიშში. პიემონტის მეფემ დაიჭირა თავისი ჯარით ნეაპოლიტანიის სამეფო, მაგრამ არ ფიქრობდა რომზე გალაშქრებას. მან შესთავაზა გარიბალდის მარშლის წოდება, ერთ-ერთი სამეფო სასახლე და მშვენიერი მამული. შეშფოთებულმა გარიბალდემ უარჰყო ეს, აიკიდა ერთი ტომარა ცერკვით (კვებისათვის) და გასწია თავის კაპრერაში.

— რომი ან სიკვდილი! — ეს იყო გარიბალდის ლოზუნგი, რომელიც მთელს იტალიას მოედო პატარა კუნძულიდან.

მეფემ მეთვალყურეები მიუჩინა გარიბალდის.

ოთხი ხომალდი დღედაღამ მორიგეობდა კაპრერას კლდეებთან. ხალხის ბელადი, რომელზეც იტალიის ყველა კუთხეში მღეროდნენ, მეფის ტყვე გამხდარიყო. მას აკრძალული ჰქონდა კუნძულის დატოვება.

1867 წელს, ოქტომბრის ღამეს, კაპრერაზე ქარიშხალი გამძვინვარდა. ზღვა აფორიაქებდა ხმელეთს, და იღვა უკუნე სიბნელე. ნაპირზე მიბმული მეთევზის ნავი საბრალოდ ქანაობდა ტალღებზე. ის ისე პატარაა, რომ შიგ მარტო ერთი კაცის მოთავსება შეიძლება. როდესაც შუალამე გადავიდა, ძლიერმა ხელმა მოსწია ის ნაპირას ლოდებისაკენ. ძირზე დაეცა თეთრი პონჩო, და მასზე ადამიანი დაწვა. ამუშავდა ნიჩაბი, და ნავი მშვერავი ხომალდების სინათლეების გვერდით გასრიალდა.

ვინ იფიქრებდა, რომ ისეთ ღამეში სამოცი წლის მოხუცი, რომელსაც სხეულზე ცხრა ჭრილობა ჰქონდა, შესძლებდა ზღვაში შესვლას ასეთი ნაქუჭით. ნავი იტალიასთან მიცურდა. აღელვებულმა მეგობრებმა სიხარულით მიიღეს გარიბალდი. რამდენიმე დღეში, ბიძია პეს მიერ ხელმოწერილმა მოწოდებებმა შეკრიბა მოხალისენი. 20 ოქტომბერს „წითელმა ხალათებმა“ გადაიარეს პაპის მფლობელობის საზღვრები რომის ოლქში და დაამარცხეს რა მისი ჯარი, დაიჭირეს ამ დიდი ქალაქის შესავალი.

გარიბალდი იმედოვნებდა ანთო მთელი იტალია, მაგრამ ვიქტორ-ემანუილმა დროზე მიიღო ზომები. მრისხანე ბრძანება უკრძალავდა მოსახლეობას გარიბალდის დახმარებას.

გარიბალდი დაატუსაღეს და ხელახლად გაგზავნეს კაპრერაში. ახლა თვით კუნძულზე იყვნენ ჟანდარმები.

1871 წ. 18 მარტს პროლეტარიატი იღებს ხელში ძალა-უფლებას პარიზში. მთელ ქვეყანას მოედო ცნობა პირველი მუშური სახელმწიფოს — პარიზის კომუნის — შესახებ. მაგრამ უკვე 21 მაისს საფრანგეთის თეთრი ჯარი, რომელმაც ზავი შეჰკრა გერმანელებთან, იჭრება პარიზში.

მთელი ქვეყნის ბურჟუაზია ლაფს ასხავეს კომუნარებს. გარიბალდი გამოდის პარიზის კომუნის დამცველად. ინგლისის მუშათა დელეგაციას, რომელიც მოვიდა, რომ პატივი ეცა მისთვის, როგორც თავისუფლებისათვის მებრძოლისათვის, გარიბალდემ უპასუხა:

— მთელი ქვეყნის მუშებს მე ჩემს ძმებს ვეძახა. გარიბალდემ კიდევ თერთმეტი წელი იცოცხლა.

**გ. ჩერეკოვი.**

**სოფლად მოვალთ მტკიცე რაზმი.**

ზაფხულამდე ქალაქში ვართ მშრომელთა და ქარხნის გვერდით, რომ პატარა მშენებლებმა გავიმავროთ შრომით მკერდი.

უთვალავი საქმე გვიცდის, უთვალავი ჩვენც ვართ ჯარი, ვშრომობთ ერთად მომავლისთვის სიხარულით და სიჩქარით.

ზაფხული და სიცხე დგება მანქანებთან უფრო მძიმედ, ჩვენც გვჭირდება დასვენება, ჩვენ, შენების მონაწილეთ.

და მოვდივართ სოფლად ახლა ქალაქიდან მოსულ ძმებად, რომ სოფელსვე მოვასმაროთ საზაფხულო დასვენება.

დასვენება არ გვწამს ასე: გამოვეყოთ გლეხებს მარტო და არც სოფლის ახალგაზრდებს ახალი არ განუშარტოთ.

ჩვენ ვინ გვნახავს უქმად მაინც დაუდევარ ბრძოლათ ნაჩვევთ, ან ვინ არის ჩვენთაგანი, რომ შრომაშიც უკან დარჩეს.

სოფლად მოვალთ მტკიცე რაზმი ქალაქიდან ნაჩვევ შრომით, რომ მუშათა ხმა და აზრი გავიტანოთ გლეხებს შორის.

**ირაკლი აბაშიძე.**



# ბ ი რ ა \*

საქართველო  
შრომითი

## მისამე პირობა.

გზატყვევების ნაწილი. სოფლის ბოლოში გზის პირას დუქანი. პერსპექტივა: მთა-გორები, მდინარე; უფრო შორს — ქალაქი: მგზავრები მიდი-მოდიან, ზოგიერთი შედის დუქანში და ცოტა ხნის შემდეგ უკანვე გამოდის ნაყიდებით და განაგრძობს სვლას. ისმის ცხოველების ხმაური, ხან ძაღლის ყეფა. კულისებში ისმის გოჩას ძახილი, „იქ იბრძვიან, იქ კვდებიან, შენც მათთან, გოჩა, შენც მათთან!“ — ამ ხმებზე მგზავრები შეჩერდებიან, დუქნიდან გამოდის ჩახბაზურ და უერთდება მგზავრებს, ამათ ემატებიან ადგილობრივი გლეხები.

## მგზავრები, გლეხები და ჩახბაზურ.

**პირველი გლეხი.** რა გქნა, რა დამართვია ი გივარგის ბიჭსა?

**მეორე გლეხი.** ეჭვი, დახედე... რარიგ მორბის... ხატი ხომ არ გასწყრომილა!

**ჩახბაზურ.** რის ხატი, კაცო, მაგის მამა ბუნტოვჩიკია, კავკაზში რევოლუციასა შერება, ჰალბათ ეგეც იქ მირბის, რაღა, არ გესმით, რა სიტყვებს ჰყვირის?!

**პირველი გლეხი.** ჰეი, შურდულივით არ მოქრის!

**მეორე გლეხი.** თითქოს უკან ვინმე მოსდევდეს მოსაკლავადო.

## შემორბის გოჩა.

**გოჩა.** თქვენ რაღას უდგებართ, რა გქნა, ქვემო სოფელი უკვე აჯანყდა და წითლებს ემხრობიან, მიკვირს, ეს სოფელი რაღას უყურებს?

**ჩახბაზურ.** რაღას უყურებს და შენ გელოდებოდა. არა, შენ ლაწირაკო, ეგრე დიდებს რომ აბრაზუნებ, გესმის, რასაცა რომავ?

**გოჩა.** შენ, ეი, ღიპიანო, გირჩეენია გაჩუმდე. მაშ რა გეგონა, გლეხების ყვლეფა სამუდამოდ შეგგრებოდა?! იქ იბრძვიან, იქ კვდებიან. (გარბის)

**გლეხები.** სად მირბის, რამ გააგიჟა?

**პირველი გლეხი.** გადარეულა სწორედ! რომ მირბის, სად მირბის, ჰა?

**მეორე გლეხი.** ეი, ნუ კი ეხუმრები, გივარგის სისხლია!

**ჩახბაზურ.** ვა, ერთი მაგ ლაწირაკს ვერ უყურებთ?! გაიქეცი, თორემ, მამა გიცხონდა, თეთრების ჯარებს შენი შეეშინდებათ, აი! კაცო, დიდების მადლობელი ვარ, რომ ეს ძუძუმწოვარა ბავშებიც ემატებთან იმ ზაკონის დამრღვევლებს...

**პირველი გლეხი.** ერთ პოლკოვნიკს მაინც გაავარებს და ისიც დიდი ამბავია მაგისგან. ერთი ეს მითხარი, ჩახბაზურ, ძალიან გეშინია ი ბოლშევიკებისა?

**ჩახბაზურ.** რასა ბრძანებ, მეშინია რომელია... იმათ გამარჯვებას რომ წარმოვიდგენ, მაშინვე ციებ-ციხლება შემართება... ხუმრობა ხომ არ არის, თურმე ქვას ქვაზე არ უშვებენ. გლეხებს ხომ სულ ტყავს აძრობენ.

**მეორე გლეხი.** აბა რას ამბობ, ჩახბაზურ, მაშ ამასწინათ გივარგიმ მოაჭორა? კაცო, ისიც ხომ გლეხია, ვანა თავის ძმებს დაგვატყუებდა?

**ჩახბაზურ.** ჰა, რაო, ოქროს გორებს შეგპირდით?.. ადამიანო, რით ვერ გაიგივ, რომ ფულს ბევრი რამ შეუძლია. ანდაზა მაინც არ იცი, ქრთამი ჯოჯოხეთს ანათებსო?

**პირველი გლეხი.** არა, ჩახბაზურ, რაც გინდა გვითხარი, და მაგას კი ვერ დავიჯერებთ... რას ლაპარაკობ, კაცო, დღე და ღამე სულ იმაზე გველაპარაკებოდა, მზად იყავით, მალე ჩვენი მტრები უნდა გავანადგუროთო...

**ჩახბაზურ.** მერე და ვინ არის ეგ შენი მტერი, ჰა? შე, ესა, ისა?

**მეორე გლეხი.** როგორ თუ ვინ არის, ვითომ არ იცი.

**პირველი გლეხი.** ვინა და მთავრობა!..

**ჩახბაზურ.** ცოტა ფრთხილად, ემანდ ჩაფრებმა არ გაგიგონ, თორემ, ხომ იცი იმათი ამბავი!

**პირველი გლეხი.** როგორ არ ვიცი, ამასწინათ გადასახალი შემომაწერეს, იმდენი, რომ მგონია ათი კომლი ვერ გადაიხდიდა... ვერ გადავიხადე და სულ მათრახით დამილილავეს სხეული... განა შევარჩენ იმ მწარე ცემასა... ერთი უკუღმა გადატრიალდეს ჩარბი!

**ჩახბაზურ.** ჩაცო, არ გეუბნები, ფრთხილად მეთქი? ვა, ვა, თქვენ ვინდათ, რომ მეც დამიჭირონ?! მე გეუბნებით, ეს ქვეყანა გაყიდულია, ციმბირში გადაგვასახლებენ, ციმბირში... კიდევ კარგი, რომ მთელი სტრატეა ქვემო სოფელშია წასული.

**პირველი გლეხი.** ოჰ მე, ესე უპატრონოდ როგორ დავრჩით, ჰა? ხალხო, მთელი გაღმა მხარე აჯანყდა და ი წითელ ჯარს შეუერთდა, ჩვენ რაღა გვემართება, რომ ასე გავჩუმებულვართ!?

**მეორე გლეხი.** ჩვენ აბა რა უნდა გქნათ, არც ავი ვიცით, მაგ საქმისა და არც კარგი. აი წინამძღოლი რომ გვეყავდეს, მაშინ სხვა საქმა.

**გლეხები.** მართალია, მართალი!

**ჩახბაზურ.** ჰა, ბუნტს აპირებთ?! დღეს რა ჩემი სალოცავი გამიწყრა... ჰა, დავკეტო დუქანი, დავკეტო? პაუალუსტა, აქედან წადით, თუ ძმა ხართ, დაიშალენით... ვაჰ, ვაჰ, თქვენში ღმერთი აღარ არის... ვა, ეს რაღა ამბავია? (შემოდის დათო, მას თან მოსდევს რამდენიმე გლეხი და სოფლის მწერალი წკიპურტა. უკანასკნელი ჩახბაზურთან მივა).

**დათო.** ჩვენც იქ, ჩვენც იქ უნდა წავიდეთ!

**გლეხები.** სად, სად უნდა წავიდეთ?

**დათო.** იქ, სადაც გოჩა — ბოიკადებზე, სადაც ჩვენი ძმები, ჩვენი შვილები ებრძვიან საუკუნოებით შექმნილ უსამართლობას, ჩავგრა-მონობას და...

**წკიპურტა.** აი, თურმე რისთვის მორბოდა ისე გამწარებული... სად და რა მიზნისთვის მოუწოდებ ამ უფიც გლეხობას, იქნებ გგონია, რომ დავიჯერებენ და გამოგყვებიან!?

**ჩახბაზურ.** ვა, დავითჯან, შენც იმ ქარაფშუტა ახალგაზრდებს აპყვევი!?. შენც ბუნტოვჩიკი ხარ!?

**დათო.** ძმებო, გლეხებო, მომიშინეთ. ეს წურბელა... (აწყვეტილებს). არ დაუჯეროთ, თქვენ მაგას დალუპვის გზაზე მიჰყავხართ, ეგ დაქრთამულია სისხლის მსმელი ბოლშევიკებისგან. არ დაუჯეროთ! (გლეხებში გუგუნი, ყოყმანი).

**დათო.** ძმებო, მომიშინეთ! ხალხო, მომიშინეთ!..

**გლეხები.** მოვუსმინოთ დათოს, მოვუსმინოთ, მწერლის ნურათფერი გჯერათ, ეგ ჩვენ მხარეს არასდროს არა ყოფილა... მოვუსმინოთ, მოვუსმინოთ!.. (მწერალი და ჩახბაზური ჩუმად დუღუნებენ და ხელებით რაღაცას ანიშნებენ ერთიმეორეს).

**დათო.** ხალხო, მომიშინეთ .. მწერლის საპასუხოდ მე ახლა დრო არა მაქვს! პასუხს ეგ სოფლისგან მიიღებს... მე დავალემა მაქვს გადმოგცით, რომ დღეს წყდება ყოფნა-არყოფნის საკითხი, დღეს უნდა გადაწყდეს მშრომელთა ბედობალი...

(წკიპურტა მიიპარება დასასმენად) კარგად ხედავთ, რა მელაკულები მიშლიან ლაპარაკს... აგერ კიდევ გარბის დასასმენად, მა-

\* დასაწყისი იხ. „პიონერი“ № 10-11.



გისი ხელობა ეგ არის... დეე, დავგასმინოს, საშიში არაფერია... (ყოყმანი გლეხებში).

**პირველი გლეხი.** აი, შე ზინტილიანო წკიპურტავ, ცოტა დაგვაცა!

**დათო.** საშიში არაფერია მეთქი, მაგათი დღეები დათვლილია. დღეს ძალა თქვენს ხელშია. საკმარისია ერთი ძლიერად შეუკვილოთ, და მუქთახორება თქვენს ფერხთ განერთხობიან...

**ჩახბაზურ.** ვა, ნამდვილი ბუნტია, რალა, მე და ჩემმა ღმერთმა! სწორედ ვითხრა, დავითჯან, შენ გან, უჩიტლისაგან, მაგ არეულობის გაკეთებას არ მოველოდი... მაშ გვლუპავ, რალა, გვლუპავ?

**დათო.** რასაკვირველია, თქვენთვის, ვაჭრებისა და მენშევიკებისათვის, ხელსაყრელი არ არის... შენ კარგად იცი, რომ აი, მანდ, მაგ დუქანში, სადაც ათეული წოობით ჰყვლეფ ღარიბ გლეხობას, აუცილებლად კოოპერატივი მოეწყობა.

**გლეხები.** მართალია, ნამდვილ ა...

**ჩახბაზურ.** არა, დავითჯან, განა მე ეკეთი ვინმე ვარ?! მე თქვენი დაზღვი მათხუბებს, რომ ყველას დაგასახლებენ და მეც ზედ მიმყოფებიან.

**დათო.** თვალი გაახილეო, ხმა ამოიღეთ. გაერთიანებული ძალებით ვიკვეთოთ მტერს, და გამარჯვება მშრომელ ხალხს დაჩედა!..

**გლეხები.** ჩვენ წინამძღოლი არა გვყავს, ჩვენ ხელმძღვანელი გვინდა..

**დათო.** ხალხო, ძმებო!.. თქვენს ვეფხოს ენდობით? (მიუთითებს პირველ გლეხზე)

**გლეხები.** როგორ არ ვენდობით, მაგას მთელ სოფელს ენდობთ! ვენდობით, ვენდობით!

**დათო.** მაშ გყოლიათ წინამძღოლი... რადგან ენდობთ, ეგ გიხელმძღვანელებსთ, ეგ მიგიყვანსთ იქ, სადაც მიგველის სახელოვანი, ბრძოლაში გამობრძმედილი წითელი ჯარი.

**პირველი გლეხი.** ძმებო, წავიდეთ მათთან, მივეშველოთ ჩვენებს!

**ყველანი.** წავიდეთ, წავიდეთ!

**პირველი გლეხი.** მაშ ახლა კი სახლებში, სახლებში. აისხით იარალი... ვისაც კი რა მოგეძებნებათ... ჩვენ დღესვე უნდა ვავჩნდეთ მათთან... (გლეხები ხმაურობით გადაიან სხვადასხვა მხარეს).

**ჩახბაზურ.** (მარტო, გამოშტერებული). ხალხო, მოიცათ, მოიცათ მეთქი... დარიგება უნდა მოგცეთ... ამისთანა ცეცხლი გაგიგონია?!

**თ ა ვ ა დ ა ძ ე .**

**თავადაძე** (შეშინებული). ჩახბაზურ, ჩახბაზურ, არ გესმის, კაცო?!

**ჩახბაზური** (გამოერკვევა). ჰა... რაო... ერთი ეს მითხარი, სიზმარში ვარ თუ მართლა ბუნტია?

**თავადაძე.** რაო, ბუნტია? მითხარი, თუ ღმერთი გრწამს, რასა ყბედობდა ის გამოყეყეჩებული მასწავლებელი?.. დავიჯერო, ისიც რევოლუციონერია?

**ჩახბაზური.** არა, კნიაზჯან, თუ ძმა ხარ, ნუ დაიჯერებ. რევოლუციონერი რომეოია... მთელი სოფელი გადაიბირა... ვა, თქვენ არაფრის დარდი არ გაქვთ? (თავადაძე გაშტერებული დგას) არ გესმით?.. დუქანი უნდა წამართონ... ახლა აღარ იკითხავ, ბლალაროდნი წოდებას რას უპირებენ? მიწები ჩამოვართოთ... (თავადაძე ჩაიკეცა, გული შეუწუხდა) ვა, ეს რა დაემართა, გულის რაზრივი ხომ არ დაემართა, ჰა?.. (გამოიტანს წყალს და ასხურებს) კნიაზ კვინტიში, კნიაზ, კნიაზ!..

**თავადაძე.** ჰმ... როგორ ჯერ არ მომკლეს?.. მადლობა ღმერთს!..

**ჩახბაზურ.** მადლობა ღმერთს, ძლივს არ გამოვებრუნე! **თავადაძე.** ვაი, თი, ვუი!.. მართლა, რალა, გუყურებ, გავიქცე და ჩვენებს ყიელს! შევატყობინო, რომ დღესვე გავიხიზნოთ სადმე. თორემ... (წამოხტება და გარბის)

**ჩახბაზურ.** ეგ არის და ძველმა ცოდვებმა დავთრები დააკარგვინ, მაგრამ მე რალა ვქნა, სად წავილო ამოდენა საქონელი? დავილუპე, რალა, დავილუპე!..

**უ მ . ჩ ა ვ ა რ ი , წ კ ი ვ შ რ ბ ა და უ მ ც . ჩ ა ვ ა რ ი .**

**ჩახბაზურ.** დაიგვიანეთ. რალა დროსია, ვილუპებით...

**წკიპურტა** (უფ. ჩათარს საიდუმლოდ). ივანე, არ დაგავიწყდეს ჩვენი პირობა... ნახევარი ჩემი უნდა იყოს...

**ჩახბაზურ.** დავილუპეთ, დავილუპეთ!..

**ივანე.** რასაკვირველია, დავილუპებით, როდესაც სოფელს შენისთანები ეყოლება.

**ჩახბაზურ.** რა დროს ხუმრობა, ივანჯან, გლეხები აჯანყებას აპირებენ.

**ივანე.** ყველაფერი ვიცი, ყველაფერში შენა ხარ დამნაშავე. ჩვენ ნამდვილი ცნობები გვაქვს იმის შესახებ, რომ შენ აგროვებდი რევოლუციონერებს და მართავდი ფარულ კრებებს...

**ჩახბაზურ.** ვა, ვა, მე ვმართავდი კრებებს? რასა ბრძანებ, ივანჯან, განა მწერალმა არ იცის, თუ როგორ მიყვარხართ მთელი პრავიტელსტო? აი, ჰკითხე, რალა!

**წკიპურტა.** მე აქ არაფერ შუაში ვარ...

**ჩახბაზურ.** ვა, ესეთი ცეცხლიც გაგიგონია?! ვა, შენც მლალატობ? განა მე თვითონ არ ვაგვზავნე, ბუნტსა შვრებიან და შევატყობინე მეთქი?!

**ივანე.** ლაპარაკის დრო აღარ არის... შეიპყარით... ჯერ შენ ჩამოგახრჩობთ და მერე, დეე, აჯანყდენ გლეხები.

**წკიპურტა** ივანე, იქნებ როგორმე ვაპატიოთ... (ჩახბაზურს ანიშნებს, რომ ქრთამი მისცეს).

**ჩახბაზურ.** ივანჯან, უკაცრავად, პირჯვარს გეფიცები, სულ ტყუილი ცნობები მოუტანიათ თქვენთან... აი შეიძლება, რომ (ფულს ჩაუდებს ხელში, და ივანე უცებ გააქანებს ჯიბეში)...

**წკიპურტა** (ჩახბაზურს). აპატიეთ, აპატიეთ... საკვირველია პირდაპირ, შენისთანა პატიოსან ადამიანზე ვინ აწვდის ეგეთ საზიზლარ ცნობებს?

**ჩახბაზურ.** შენ ეგა სთქვი და...

**ივანე.** რა გაეწყობა, რადგან მწერალი მთხოვს, ორსამ დღეს მოვიციდი, საქმის გამორკვევამდე. (ჩუმად ჩახბაზურს) ამ ფულს კი მე ხაზინაში გადავგზავნი ჯარიმის სახით.

**ჩახბაზურ.** ვიცი, გენაცვა, განა არ ვიცი? (განზე) ისემც ავიშენდება ოჯახი... (კულისებში ხალხის ხმაური, რომელიც თანდათან ძლიერდება). ვაიძე, ეს რალა ამბავია?! (შევარდება დუქანში).


**ივანე.** მე ვიცი, რა ამბავიც არის... აბა, თუ ბიჭები ხართ, თავს უშველეთ...

**წკიპურტა.** ივანე, ჩვენი პირობა... ჩემი ნახევარი, ჩქარა ფული...

**ივანე.** რა დროს ეგ არის, ირბინე, რაც ძალი დაღონე გაქვს. (გარბიან; სცენაზე გაიბრუნენ თავადი ცოლით, მღვდელი ხურჯინით და „უფალო შემეწყალეთი“; კულისებში საშინელი ხმაური და ღრიანცელია).

(გაგრძელება იქნება) **გ. კობელი.**





სოფელ № მდინარის ნაპირასაა გაშენებული. მარჯვნივ საყანე ველებია გადაშლილი, მის იქით კი საძოვრები, ქალები და ბოლოს დამდგარ წყლებში თავჩაღუნული ხაიბები...

მარცხნივ ამართულია ქვაგორაკი, რომელსაც ლალუმით ამტვრევენ... მოშორებით გაშენებულია ბარაკები... ახლახან აგებულ იქნა კლუბი და კლუბში რადიო მოაწყეს...

ალიონიდან ისმის დინამიტების მწყობრი აფეთქება და ჩამოცვნილი ქვების ხშირი... აფეთქების შემდეგ ქვივლ-ქვივლით გამოჩნდნენ მუშები საფარებიდან. ქვებს ჰყრიან ხელსაგორებელში და მერე მიქრიან რელსებზე და ასაგები რკინის გზის ხილთან ყრიან.

იქით, მოშორებით, გორაკთან დგას შავად მხრის ლავი (ესკავატორი\*) № 4874 და თხრის მიწას. უცებ მანქანა მომეტებულად ამოჭყრის ბოლს, ბორბლები უფრო სწრაფად ატრიალდება, ცოტა ხნის შემდეგ აჩხრიალდება მაჯის სიმსხო ჯაჭვი. ნელ-ნელა ეშვება ზემოდან თუჯის კბილებიანი ყუთი. მემანქანე გადასწევს ბერკეტს, ყუთი კბილებით მიწაში იჭრება. მანქანა ქოშინებს, ბორგავს გახელებამდე, ბოლს ჰყრის. ცოტა ხნის შემდეგ ისევ აჩხრიალდება ჯაჭვი. ჯაჭვი მიიწევს ზევით და მიაქვს მიწით ყუთი. გადასწევენ ბერკეტს მარჯვნივ, და ესკავატორის დინგი მოტრიალდება გვერდით დამდგარ ნახევრად ღია რონოდებზე; მემანქანის თანამეწე გამოსწევს ბაწარს, რომელიც ყუთის ფუძეზეა მომაგრებული, და მწა ეყრება რონოდებს.

და მეორდება ასე რიგ-რიგად.

ცოტა ხნის შემდეგ მიაკივლებს ორთქლამავალი, და რონოდები მისრიალებს ვერცხლისფრად აბრწყინებულ ნახევრად მოღუნულ რელსებზე.

მიწას ხილთან ჰყრიან. იქ უამრავი მუშა ფუსფუსებს.

ზოგი დამბებს აგებს, ზოგი ბეტონის ამოსაყვან მანქანებთან მუშაობს...

ყრია ქვიშა, კირი, ცემენტი. ზილავენ კირს, ცემენტს, და დაქანებულად დაკიდულ ბაწარზე რიგ-რიგად მიქრიან ცემენტით სავესვედროები.

ქვევით მუხლებამდე დაყრილ სილაზე დაფენილი ვიცრებით მიაგორებენ ლორლით სავესველგოგორებს და სცლიან ხილთან.

ხილის ზემოთ საწყობია. საწყობის ეზოში ყრია ძელები, ფიცრები, მორები, მავთულები, რკინის ნაჭრები, ცალიერი და სავესვე ცემენტის კასრები.

მზე საშინლად აჭერს. ხურდება ქვები. ხურდება ჰაერი.

ოფლი ყველას ხვითქად გადადის შუბლზე. ჩაჩხილ ქვებში ნახევრად წელმოღუნული მუშები ძლივს იმაგრებენ ფეხებს ნხურვალზე ქვებზე. თითქოს სწვავს ფეხებს. ილუნებიან წელში უფრო, იმართებიან ისევ...

### მინდვრად

როცა გვიხდება შრომა — მინდვრად თესვა და ხვნა, გვივაჟკაცდება უფრო ახალგაზრდული ხმა. ჩვენ მარჯვენა და რწმენა შეუღრეკელი გვაქვს, თუნდაც მკერდებით გავთხრით მინდვრად რუსა და არხს. ველად სხვაგვარად ყოფნა არ გვინატრია, გვძაგს... ისე მოეუფლით თავთავს, როგორც ტოლსა და ძმას. შალვა, ელიზბარ, გივი — ყველა ხომ მედვრად ხართ?... ზოგმა მისდიე ტრაქტორს, ზოგმა კი ნიშა ხარს. აღფრთოვანება ჩვენი, რომელიც მულამ გვლევს, გავუზიაროთ ველებს, გავუზიაროთ მზეს. მიტომ შეგყრილვართ ერთად ჩვენ, უთვალავი ძმა, რომ უთვალავი დავდგათ ოქროს ზვინი და ძნა.

ეს იმიტომ, რომ დინამიტის ჩასაწყობად უზარმაზარი ლომით ხვრეტენ ქვებს. ნელი ყრუ ღარტყმიან თანდათან მატულობს სიღრმე.

— ჩაგუ! აღრე მოგისვენია! — მიძახხა ერთმა, როცა იხილა ის ქვაზე ჩამომჯდარი, რომელიც თუთუნს აკეთებდა...

— ერიპა! დამცანი? რა გაეწყობა, მოვხუცდი, ბიძია! როცა მკლავებში ღონე მქონდა და ძარღვებში სისხლი, მუშაობაში ვერავინ მჯობნიდა, მაგრამ ახლა რა ვუყოთ!

— არა, ჩაგუ! მე ისე, სხვათა შორის გეხუმრე!

— შენ ჯერ ახალგაზრდა ხარ, ცხოვრება არ გინახავს, ალბათ არც კი გაგიგონია, თუ რა პირობებში ვმუშაობდით 1918 წელს. არც კი გინახავს, თუ რა უბედურება ტრიალებდა მაშინ!

— ჩაგუ! მოყევი ერთი!

— მოყევი! მოყევი! — მიძახხეს მუშებმა.

\*) ესკავატორი — მიწის მთხრელი მანქანაა.



— დაიცათ, თქვე შელაკუდებო! ჯერ სამუშაოს მოვრჩეთ და მერე! შაბაში მალე იქნება. ერთი აფეთქება უნდა მოვასწროთ!

— კარგი აზრია!  
— აბა, ბიჭებო! ივარგეთ!

უფრო ხალისიანად მუშაობენ ახლა, მზე თუმცა წინანდებურად ისევ აჭერს. დინამიტები ყველგან ჩააწყეს. აინთო პატრუქი, ყველანი საფარისაკენ გაიქცენ. ლილისფერი ალი ნელა გაჰყვა პატრუქს. . . უცებ თითქოს ქვაქვას მიემსხვრა, გორა გორას, იჭექა, იჭუხა, ავარდა შავი ბოლი, და ბოლში ხშილით, ზათქით, ხმაურით ჩამოცვივდა ქვები.

ეს იყო უკანასკნელი აფეთქება, და შაბაშიც გაისმა.

\* \*

ოფლით გაწუწულ, სველპერანგა ჩაგუს ირგვლივ ჩრდილ ქვეშ შემომსხდარიყვნენ ახალგაზრდა მუშები. ჩაგუ დინჯად, აუჩქარებლივ უყვებოდა ამბავს.

— ეს იყო 1918 წელს. სწორედ მაშინ დაიწყო პირველად ამ გზის კეთება. ეს ამბავი, რომელსაც მე მოგიყვებით, მაშინ მოხდა, როცა რვა რონოდით მოიყვანეს აქ გერმანელი ტყვეები. მაშინ არ იყო ესკავატორი, მხოლოდ გერმანელები და ჩვენ ვთხრიდით მიწას ბარებით და შემდეგ ურმებით ეზიდებოდნენ აქედან. ამ მდინერეზე იყო ხის უბრალო



ჭ. სიღნაღი. ამხ. ს. ჯუღელის სახელობის ნ/პ კოლექტივის საბჭო.

ხიდი, რომელიც ყოველ ადიდებამზე მიჰქონდა წყალს და ხანდახან კი გადაბრუნებული, წაქცეული რჩებოდა.

სამუშაოს მეთაურობდა ვილაც ინჟინერი ტისოვი, ადამიანი, რომელიც მხოლოდ რელსებზე ფიქრობდა. ხულაც არ აწუხებდა მას ჩვენი მდგომარეობა.

თქვენ, ბიჭებო, ადგილობრივი არა ხართ და არ გეცოდინებათ ტოტია გულუა. ის ჩემთან მუშაობდა. მოსახვევთან გორაკი რომაა ჩამოტეხილი, ის მაშინდელი ნამუშავეარია.

გორაკზე რამდენიმე კაცი მუშაობდა. ტოტიას ძვალ-რბილში ჰქონდა გამჯდარი მალარია და, მიუხედავად სისუსტისა, დაღლილობისა, მაინც მუშაობდა, რომ გამოეკვება წვრილი ცოლ-შვილი.

აფეთქებები ორ წყებად ხდებოდა.

ერთი ქვემო ფენებიდან და მეორე ზემოთ, რომელიც რამდენიმე წუთით უფრო გვიან აფეთქდებოდა.

ჩვენ ზედა ფენაზე ვმუშაობდით.

ის დღე ცხელი, მწველი იყო.

დინამიტები ყველგან იყო ჩაწყობილი. ყველამ მიაშურა საფარს. ტოტიამაც აიღო თავისი ჯუბა და ის იყო უნდა წამოსულიყო, რომ გაისმა საშინელი ქექა-ქუხილი. ეს იყო ქვემო ფენებიდან. ავარდა ბოლი, მას მოჰყვა მეორე წყება აფეთქების, და კაცი ქვებს ქვეშ მოექცა. ისმოდა ძახილი,

მაგრამ შემდეგ მხოლოდ ქვების ხშილი, ცვენა აყრუებდა მიდამოს. როცა ყველა ჩაწყობილი დინამიტი აფეთქდა, მუშები მოწყდნენ საფრებს და გაექანნენ მისკენ.

ქვებიდან მხოლოდ ამოჩრილი, დაქეცილი მარჯვენა მკლავი მოჩანდა. გადააწყეს ლოდები და ამოიღეს ტოტია. მას მკერდი ერთიანად ჩამტვრეოდა, გაქექყილი თავიდან გადმონთხეული ტვინი, სისხლში არეული, შუბლზე ეცხო. მარჯვენა თვალი საბუდედან ამოვარდნოდა და უკანასკნელი ძარღვით დაკიდებული ყურთან ქანაობდა.

ასე დაიღუპა საბრალო ტოტია.

ამის შემდეგ ტისოვმა აიყვანა მისი ბაგში ჯაგა, რომელსაც დღიურ ლუქმაპურს აძლევდა.

მუშები ისევ მძიმე პირობებში ცხოვრობდნენ. რაც შეეხება გერმანელ ტყვეებს, მათ ძვალ-რბილში გაუჯდა სამეგრელის მალარია და დღე-დღე იღუპებოდნენ ეს უცხოელები.

რაც შეეხება ჯაგას, ის ტისოვთან მსახურობდა. მას აბუხად იგდებდნენ ტისოვის შვილები.

— ფუი, რასა ჰგავს!

— ფუი, რა პირდაუბანელია!

ჯაგა კი თვალეპატრემლილი, ნახევრად მოზუხული იდგა კუთხეში და მისი სუსტი სახე, ჩავარდნილი შავი თვლები და შიშისაგან მუდამ აცახცახებული ხელები, ფერ-

მკრთალი, უსისხლო ბაგეები თითქოს ჩურჩულდნენ:

— რას მერჩით! მე ობოლი ვარ! მე ხომ არა დაზიშვებისა რა! რატომ მიცქერით ასე! მე მამა არ მყავს, დამელუბა და თქვენ კი დამცინით!

ერთხელ ტისოვის მეუღლემ ჯაგას გარეცხილი თევშები გაატანა.

მან ნელა აიარა კაბის საფეხურები. მიდიოდა, ეშინოდა არ დაცემულიყო და არ გაეტეხა, რითაც მხოლოდ მათ წყრომას დაიმსახურებდა.

ამ დროს ტისოვის შვილები კარებთან მიმალულიყვნენ, რომ ჯაგა შეეშინებინათ.

ჯაგამ ნელა გააღო კარი თუ არა, ბავშვები აბლავლდნენ უცნაურ ხმაზე და ამასთანავე წინასწარ დაჭერილი კატა ფეხებში ჩაუგდეს.

— ვაიშე! — მიაყვირა ჯაგამ და შიშისაგან იქვე გაიმხლართა. თევშები ერთიანად დაემსხვრა.

ამის შემდეგ გამოცვივდნენ ბავშვები და მას ქოქოლა დააყარეს.

— მშიშარა!

— მშიშარა!

ჯაგამ მხოლოდ აცრემლილი თვლებით შეხედა.

— თევშები რომ გატეხე, დაიცა დედამ რა გიყოს!

— ემუქრებოდნენ ისინი.

— მერე, ჩემი ბრალი ხომ არ არის! — აკანკალებული ხმით უპასუხებდა ჯაგა. — ცოტა ხნის შემდეგ მოვარდა ტისოვის მეუღლე გაგულისებული..



— რომელი ხელით მოგქონდა, მაჩვენე ხელი!

— ამით! — უპასუხა ჯაგამ გულუბრყვილოდ და ხელი გაუწოდა.

ტისოვის მეუღლემ სუსტ, გამხდარ ხელისგულზე სველი წყნელი აათამაშა.

ბავშს საშინლად სტკიოდა ნაცემი.

— აჰა, კიდევ გატებ? — ჰყვიროდა გაკაპასებული ქალი.

— ვაიმე, დედა! მამა! — გაჰკიოდა ბავში, მაგრამ მშველელი არავინ იყო. ბოლოს ზურგზე ერთხელ კიდევ გადააწნა წყნელი და გარეთ გააგდო.

მან ვერ აიტანა ცუდი პირობები, აბუჩად აგდება, დღემუდამ მუშაობა, ცემა და ერთ ღამით, როცა მერეხი სოფელს ანგრევდა, წვიმა რეცხავდა ყველაფერს, — საბრალო ჯაგა გამოიპარა ტისოვის ოჯახიდან.

თვალეები ცრემლით ევსებოდა და ამიტომ ხშირად ბნელში ჩაფლულ საგნებს ვერ არჩევდა.

ელავდა თვალწინ, ელავდა წყალგაღმა, ქუხდა მთებს იქით, და პატარა გული თრთოდა საშინლად.

მიტლახუნებდა ამ ბნელაში ერთადერთი, მარტო და ხშირად ბორძიკობდა.

— ვაიმე, დედა! — შეკვივლებდა და ეცემოდა ტალახში.

წვიმდა. ისევ ელავდა. ერთიანად ჩაწუწული, დასვრილი ჯაგა ძლივს მიათრევდა ფეხებს. როგორც იყო, მოახწია ამ მდინარეს. მდინარე აღიდებული იყო და სა-

შინლად ღმუოდან. მაშინ აქ ბოგირი იყო გაკეთებული, და ისიც მოადგა ბოგირს. მან სიფრთხილით შესდგა ფეხი ბოგირზე, მაგრამ შეეშინდა და უკან დაიწია... თითქოს ეს ბნელი ღამე შემაშინებლად იყო ჩამომდგარი. მან მეორეჯერ შესდგა ფეხი. გული საშინლად აუკანკალდა. ქვეშ ღრიალით მიქროდა მდინარე, მაგრამ მას თითქოს არ ეშინოდა. აჰა, შუამდე მიაღწია... ახლა გული თამამია და უფრო გაბედულად დგამს ნაბიჯს. მაგრამ უცებ იელვა თვალწინ, წყალგაღმა. იქუხა, იქეკა.

ბავშს თვალი აუჭრელდა.

ძალაუნებურად ტანი მარჯვნივ გადაეხარა, დაუსხლტა ფეხი და მდინარეში გადაეშვა, მეორე დღეს კი რიონის შეართავთან იპოვნეს დამხრჩვალნი.

დაამთავრა მოთხრობა ჩაგუმი.

— ახლა, ჩემო კარგებო, საქმე სულ სხვანაირადაა! ჩემი შვილი, ჯაგას ამხანაგი, ახლა კომკავშირელია და დღეს აქ მოვლენ საექსკურსიოდ, ამ რკინის ხიდის დასათვალიერებლად.

ყველას სახეზე რატომღაც სევდის ხაზები გადაიკლანა. ცოტა ხნის შემდეგ ისევ გაისმა საყვირის ხმა, და ისინი ისევ შეუდგენ მუშაობას...

აწყობდნენ დინამიტებს და მერე კვლავ ისმოდა მწობრი აფეთქების ხმები.

არჩილ ჩაჩიბაია.

## როგორ იღვასაწაულა პირველი მაისი ფრანგის ბიჭვან ლიულუ

საფრანგეთში არ შეიძლება თავისუფლად პირველი მაისის დღესასწაულობა: იქ ხომ არაა დამყარებული ჯერ პირველი მაისი, მაგრამ ლიულუმ და მისმა მეგობრებმა, მუმუსიმ დ მინალმა, გადასწყვიტეს ედღესასწაულნათ პირველი მაისი. ისინი შეთანხმდნენ არ წასულიყვენ სკოლაში, თუმცა იცოდნენ, რომ ამისათვის შესაძლებელი იყო ისინი დაესაჯათ, სკოლიდან გამორიცხვაც კი შეეძლოთ.

პირველ მაისს დილით ლიულუ, მუმუსი და მინალი დემონსტრაციაზე წავიდნენ.

შეიჭრენ დიდ შენობაში, სადაც მიტინგი იყო.

მიტინგის შემდეგ ბიჭუნები მუშებთან ერთად სახლიდან ქუჩაში გამოვიდნენ.

წითელი დროშები ფრიალებდა ზღვა ხალხის თავზე.

— პროლეტარებო ყველა ქვეყნისა, შეერთდით!

— გაუმარჯოს პირველ მაისს! ძირს ბურჟუაზია! —

ეწერა პლაკატებზე, ხოლო ქუჩაში ამ დროს დემონსტრაციას უკვე ელოდა საფრანგეთის პოლიცია.

მომზადებული იდგენ ქვეითი პოლიციელები მოლურჯო მუნდირებით, ყველა თითქმის შერჩეული, ერთი ზომის, ფართომხრებიანი. კედელსავით მოდიოდნენ პოლიციელები ველოსიპედებით. ადგილზე ფეხებს ურტყავდნენ ცხენოსანთა ცხენები.

„ძროხის თავები“ — ასე უწოდეს ფრანგმა მუშებმა პოლიციელებს. ველოსიპედზე მყოფ პოლიციელებს კი ასეთი ზედმეტი სახელი დაარქვეს: „ძროხები თვლებზე“.

პოლიციელები ელოდნენ სულ მცირე საბაბს, რომ დემონსტრაცია დაეშალათ.

მუშებმა დაიწყეს „ინტერნაციონალის“ მღერა. პოლიციელები მხეცებსავით მისცივიდნენ მათ. საპასუხოდ ამუშავდა ჯოხები, ქვები. მუშა-ქალები თავს იცავდნენ ქოლმებით. მუშები გაბრაზდნენ. თითოეული იბრძოდა, რითაც შეეძლო.

მაგრამ შეიარაღებული პოლიცია უფრო ძლიერი აღმოჩნდა. ბევრი დაიჭირეს. წაიყვანეს სამმართველოში და იქ საშინლად სცემეს. ლიულუს მამას ხელი მოამტვრიეს.

მეორე დღეს ლიულუ, მუმუსი და მინალი სკოლაში გამოცხადდნენ.

— რატომ არ იყავით გუშინ? — მრისხანედ შეეკითხა მასწავლებელი ქალი.

მუმუსი გაწითლდა და თავი ჩაღუნა. მან არაფერი უპასუხა.

— მე არ ვიყავი იმიტომ, რომ თავი მტკიოდა, — სთქვა მინალმა.

ლიულუს არ უნდოდა ეთქვა ტყუილი. მან აიღო თავი და მთელი კლასის გასაგონად სთქვა:


— მამაჩემთან ერთად ვდღესასწაულობდი პირველ მაისს! მამაჩემი მუშაა. პირველი მაისი ყველა მუშის დღესასწაულია.

როდესაც ლიულუ მოვიდა სკოლიდან შინ, მან უამბო მამას, თუ როგორ უპასუხა ბურჟუაზიულ მასწავლებელ ქალს.

დღეში ორჯერ მაინც აიძულებდა მამა შვილს, რომ გაემეორებინა ეს ამბავი.



# სრამსორი



— ნამდვილად ჩვენებურებია.

— დათო, თუ ძმა ხარ, თვალი ავარიდოთ, თორემ ქვეყანას შეგვიყრიან.

— ახლა გვიანაა, გოგი, მაგაზე ლაპარაკი, აქამდე უნდა გვეფიქრა.

— აი, იმ ბუჩქებს მაინც ამოვეფაროთ.

— რატომ, დასამალი რა გვაქვს?

— ბიჭო, აუტიკივარი თავი რათ ავიტკიოთ? ჯერ ქალაქში არ ჩავსულვართ და შეიძლება კა უკან დაგვედევნონ, ძალით დაგვაბრუნონ შინ. დათო, ცოტა ხნით მაინც გადავიდეთ გზის იქით, და ურმებიც გაივლის.

— გეტყობა, გეზარება ქალაქში ყოფნა და სწავლა.

— არა, მაგრამ...

— სთქვი, ნუ გერიდება. შეკმდეგ საყვედურსა და წუწუნს სჯობია ახლავე მითხრა, რომ თავი არა გაქვს და სიარული არ შეგიძლია.

— მინდა, როგორ არ მინდა, მაგრამ უკეთესი იქნებოდა ჩვენი სახლიდან გამოქცევა ჯერ არ გაგეოვისმეს და რამდენიმე დღე მაინც დაფარული ყოფილიყო.

— გოგი, უნდა შევეჩვიოთ ყოველივე ახალ ამბავს, შეიძლება ჩვენივე სრულიად მოულოდნელს და სახიფათოსაც. ტყუილად კი არ გვეძახიან მე და შენ პიონერს. იცი, ვისა ჰქვიან ნამდვილი პიონერი? პიონერობა პირველობას ნიშნავს; პიონერს დაუშრეტელი წყურვილი და მისწრაფება უნდა ჰქონდეს სწავლა-ცოდნისადმი, უნდა იცოდეს ფიქრი, უნდა შეეძლოს მშრომელი ხალხისათვის თავის გამეტება, თავის განწირვა.

— მართალია, მაგრამ ბოლოს სინანულს სიფრხილე სჯობდა.

— ეეე... უხეირო, მშიშარა ყოფილხარ! მომყევი აქ, — თავისდა უნებურად დათომ მუშტი წაართვა გოგიას და ჩქარი ნაბიჯით გაიძლოლია, ამასობაში ცალიერმა ურმებმაც ნელი სვლით გვერდი აუხვია ჩვენ მგზავრებს; ლაპარაკში გართულ გლეხებს ზედაც არ შეუხედიათ დათოსა და გოგისთვის.

— აკი გითხარი, ჩვენებურები არ არიან მეთქი! — უსაყვედურებდა დათო თავის მეგობარს და თან თვალი წარმტაც და საკვირველ ამბავს მოუთხრობდა.

— აი, ეს ის ადგილია, მე რომ გელაპარაკებოდი. შეშის ურემზე ვყავდი მამაჩემს. ქალაქში მივიდიოდით სავაჭროდ და როცა ამ ადგილთან მოვედით... ხედავ, ხედავ დიდ მინდორს? ეს არის დიდმის მინდორი. ხომ გაგიგონია? სავსე იყო აქაურობა ხალხით. აგერა იმ გრძელ მიწას ჩვენებური ექვსუღლიანი გუთანი ხნავდა, აქეთ მიწას კი ტრაქტორი. საკვირველი იყო: სატირალი და გასახარიც. ორი ამბავი: ერთი ძველი და მეორე ახალი. ერთი მეორეს სამკვდრო - სასიცოცხლოდ ჩასკიდებოდა. ძველი გუთანი, ჩვენი გუთანი, რომლითაც ჩვენი მამა-პაპა ცოცხლობდა, ამყობდა და თავს ირჩენ-

და, გრძელ ჭიაცელასავით გაჭიმულიყო, ძლივს იძროდა, ოვლში იწურებოდა, მაგრამ ვერას გამხდარიყო. საცოდავი და უწყეო იყო ის. ხუთი თუ ექვსი კაცი დასტრიალებდა თავს. ჭაპანდაჭიმული საქონელი გუთნის სიმძიმით წელში წყდებოდა, მაგრამ ამოდ. ტრაქტორზე კი სულ ერთი კაცი იჯდა. გუთნისდევაც ის იყო და მეხრეც. ერთს დასწევდა რალაცას, და ტრაქტორი გუგუნით წინ მიიწევდა. მერე როგორი სიჩქარით, არ იტყვი? კარგი ნაბიჯით ვერ დაეწეოდა კაცი. მე ვიცი, ტრაქტორზე მომუშავე მემანქანეს ხარების შეტევა, ან სახრის დარტყმა დასჭირდებოდა! საცოდავი მუშა საქონელი, უნო და უსიტყვო, სახრის ტყუილ-უბრალო მოქნევაზეც კი წელში იხრება ხოლმე. მე თვითონ ნახირში ვარ გაზრდილი და ჩემ მიერ დარტყმული ხარის ცოდვით ხშირად ცრემლი მდენა თვალიდან. ტრაქტორზე მომუშავე მეგუთნეს კი არაფრის დარდი არა აქვს. იქ მკვდარი რკინა და ნავთია ამუშავებული. აბა ვის რა ეტკინება, ან რა ეწყინება? მაგრამ მუშაობით თუნდ მთელი დღე-ღამე ამუშავე ტრაქტორი. ოოო... რომ იცოდე, გოგი, რა ვნახე, რა ვნახე...

— დათო, მეც ხომ მაჩვენებ ტრაქტორს?

— აი სულელი, იმიტომ მივდივართ ქალაქში, რომ ტრაქტორიც ვნახოთ და კიდევ ვისწავლოთ მისი ხმარება, მაშ! უნდა გამოგიტყდე და გითხრა, რომ მე იმ დღეს დიდმის მინდორზე ახალ აღამიანად ვიქეცი. თითქოს ახლად დავიბადე, სრულიად გამოვიცვალე და მას შემდეგ სხეულში რალაცა ახალი სხივი ჩამესახა, მოსვენება დავკარგე, სულ ფიქრად გადავიქეცი. დღე და ღამე იმას მოველოდი, როცა ტრაქტორზე ჯდომას, მის მართვას ვისწავლიდი. სხვა აღარაფერი მაგონდებოდა. ვიძახდი: „ნეტავ იმ დროს მოვსწრებოდი, რომ ჩემი ხელით ჩემ სოფელში ტრაქტორი მიმეტანა. ხომ გავაბედნიერებდი გლეხობას! შენც იმიტომ წამოგიყვანე ქალაქში, გოგი, უნდა ვისწავლოთ მემანქანეობა, ზეინკლობა, ტრაქტორის ავი და კარგი: ხომ იცი, ჩვენი სოფელიც ეღირსება ტრაქტორს, მისი მოვლა და ხმარება უნდა შეგძლოთ.“

სჯა-ბაასში გართული ახალგაზრდები უკვე ვერაზე ჩასულიყვნენ. ქალაქის მოუსვენარი და მშფოთარე ცხოვრების გამოძახილი ყველაფერს თავის დაღს ასვამდა. ეტლი ეტლს მისდევდა, ტრამვაის რონოდა რონოდას, შემით და სხვა სანოვაგით დატვირთული ურმები დიდრ გაჭირვებით უქცევდა ერთმანეთს გზას, სწრაფი ავტოსმობიდან დანახვაზე თითოეული მეურმე ქუჩის ერთ მხარეს ერეკებოდა მუშა-საქონელს. ნახულით გაცეხული დათო და გოგი სმენად გადაქცეულიყვნენ. ქალაქი სოფელს არ ჰგავდა. თითქოს ხალხიც სხვა იყო, უცხო ხალხი. ყველას რალაცა სიღინჯე და ამავე დროს მოუსვენრობაც ეტყობოდა. დაღვრემილი და გაუცინარი მიდი-მოდიოდა ხალხი. ყველა რალაცას ემურობოდა, ეშინოდა არ დაგვიანებოდა, დრო არ გაეცდინა. ქალაქი უფრო საათსა ჰგავდა, დიდ საათს, წინასწარ გაზომილი დროთი რომ მუშაობს და ისვენებს.



მაგრამ გარეგნობით მიუკარგებელი ქალაქელები ახლო გაცნობისას ძალიან მოეწონათ დათოსა და გოგისაც, სერგო ლაბაშვილი, რომლის ოჯახში დათო ორჯერ თუ სამჯერ ჰყავდა წინათ მამას, დიდი ამბით და სიხარულით დაუხვდა სოფლიდან ჩამოსულ გლეხის შვილებს. სერგომ ყველაფერი გამოჰკითხა, აამბობინა მათი თავგადასავალი, ბევრი იცინა და ყოველგვარი დახმარების აღმოჩენას შეჰპირდა. ისიც კი უთხრა, რომ წერილს გაუგზავნიდა სოფელ ნაფეტვარში დათოსა და გოგის მშობლებს, დაამშვიდებდა მათ და შეატყობინებდა, რომ სახლიდან გამოქცეული ახალგაზრდები არ მოეძებნათ.

მალე საქმეც შოეწყო. დათო და გოგი ექვსთვიან სასოფლო-სამეურნეო კურსებზე მიიღეს. სერგომ მოუხერხა მათ, რომ ბინა, ჭამა-სმაც უსასყიდლო ჰქონოდათ. თავაუღებელი მეცადინეობდნენ დღედაღამე დათო და გოგი. ისმენდნენ ლექციებს სხვადასხვა დარგიდან, კითხულობდნენ და წერდნენ, რადგან ერთმაც და მეორემაც წერა-კითხვა იცოდა. ხშირად ყურს უგდებდნენ ამხანაგების სჯა-ბაასს, ყველაფერს აკვირდებოდნენ. დროგამოშვებით სხვა კურსანტებთან ერთად ისინიც ვადიოდნენ ქალაქ გარეთ მინდორში ტრაქტორზე ვარჯიშობისათვის. ტრაქტორის თითოეული ნაწილის მუშაობას და მოძრაობას გაფაციცებით თვალყურს ადევნებდნენ და სწავლობდნენ.

— აი, გოგი, ტრაქტორის მთავარი ამმოდრავებელი ეს მანქანაა. შემდეგ ცილინდრებია და სხვა. აქ ყველა ნაწილი შეხამებული და შეთანხმებულია. ერთი ხრახნი რომ მოიშალოს, ან იგივე ხრახნები, ვთქვათ, ცილინდრში ერთნაირად არ იყოს დაკომული, მანქანას მამოდრავებელი ძალა დააკლდება და აღარ იმუშავებს. მაგრამ თავისთავად საინტერესოა თვით მანქანის მოწყობილობაც. ერთი შეხედვით ტრაქტორი



გორი. „ოქტ. რევ“ სახ. № 1 კოლექტივის სამხატვრო წრე.

უშველებელ ჯოჯოს ჰგავს, მაგრამ ხედავ, რა ძალა აქვს, მინდორსა და ველს ჰგლეჯს, დღეში 4 — 5 ჰექტარ მიწასა ჰხნავს. მე და შენ კარგად უნდა გავახილოთ თვალი, ყველაფერი უნდა გავიგოთ და ვისწავლოთ, რომ არაფერი გამოგვრჩეს. ვისაც უნდა ტრაქტორზე მუშაობა, მან სხვაც ბევრი რამ უნდა იცოდეს: იარაღების ცნობა, მოხმარება და სხვა.

ერთა სიტყვით, დათო და გოგი ცნობისმოყვარეობასა და ბეჯითობაში ერთმანეთს ეჯიბრებოდნენ. რასაც კი კავშირი და რაიმე დამოკიდებულება ჰქონდა ტრაქტორისმცოდნეობასთან, ყველაფერს გულმოდგინედ სწავლობდნენ და ითვისებდნენ. მანქანებსაც ეცნობოდნენ. თუ სადმე გამოფენა იყო, იქ ესწრებოდნენ, მცენარეთა შესასწავლად ხშირად დაიარებოდნენ როგორც ბოტანიკურ ბაღში, ისე ტფილისის ახლო მდებარე საცდელ-საჩვენებელ მამულეებში. მაგრამ რა ფასი, რა ღირებულება ჰქონდა ყველა ამ მეცადინეობას და შრომას, თუ კურსის დამთავრების შემდეგ დათო და გოგი სოფელ ნაფეტვარში არ დაბრუნდებოდნენ და არ იმუშავებდნენ? სოფელ ნაფეტვარში კი ტრაქტორი არ იყო. გლეხობამ არც კი იცოდა ხეირობიანად რა იყო ტრაქტორი ან რა მნიშვნელობა ჰქონდა მას სოფლის მეურნეობაში. ამიტომ მისი შეძენისათვის სოფელი არც თუ ისე იცხლებდა თავს,

კურსდამთავრების შემდეგ დათას და გოგის შეეძლოთ სხვა სოფელში, ან სხვა ქვეყანაში ემსახურათ, იქნება კარგი ჯამაგირიც ჰქონოდათ, მაგრამ განა ამიტომ

იტანჯენ ისინი, რომ პირადი ცხოვრება საზოგადო საქმეზე მალე დაეყენებიათ? რასაკვირველია, არა. მაშ სად იყო გამოსავალი, ან ვინ შეისმენდა და გაიგებდა ამ ორი კარგი ადამიანის გულისცემას და მისწრაფებას? არავე იცოდა. იმედი ნხოლოდ ერთადერთი იყო: უკეთესი მომავლის რწმენა. ბავშური გატაცებით მოელოდა ორივე ახალგაზრდა, რომ მათ ხელს გაუწვდიდა და დაეხმარებოდა საბჭოთა ხელისუფლებას. ასეც მოხდა. დათოს და გოგის წინაგრძობა სინამდვილედ იქცა. თურმე სოფელ ნაფეტვარზე სერგო ლაბაშვილიც ბევრს ფიქრობდა.

სერგო ლაბაშვილი რკინის გზის სახელოსნოების მუშა იყო, ფრიად გავლენიანი კაცი, ყველასთვის საყვარელი, ძველი რევოლუციონერი და, აი, სერგოც თურმე დღედაღამე იმის ფიქრში იყო, როგორ გადასცემოდა სოფელ ნაფეტვარის გლეხობას ერთი ტრაქტორი. დათოს და გოგის ამბავი სერგომ ქვეყანას მოსდო, აუხსნა, სადაც ჯერ არს, მათი ტფილისში ჩამოსვლა, სწავლა-მეცადინეობა და ერთ საპასუხისმგებლო კრებაზე მოითხოვა, რომ სოფლად ტრაქტორების განაწილების დროს ერთი ცა-

ლა მისცემოდა სოფელ ნაფეტვარის გლეხობას. ამ თხოვნას ყველა თანაგრძნობით მიეგება, და გადაწყდა სოფელ ნაფეტვარს გადასცემოდა ერთი ტრაქტორი ხოლტის სისატემისა.

— დათო, დამთავრეთ შენ და გოგიამ კურსი? — შეეკითხა ერთხელ სერგო დათოს, როცა ის ქუჩაზე მიმავალი ნახა.

— დიაღ.  
— ახლა რას აპირებთ, სად, რომელ მაზრაში, ან რომელ სოფელში გნიშნავენ

სამუშაოდ?

- არ ვიცი, სერგო!
- ამდენი იწვალეთ, იამაგეთ და რა ბედი მოგელისთ, კაცო, არ იცი?
- გეფიცები სიყრმეს, არ ვიცი.
- მაშ მე გეტყვი, სად წახვალთ და რა საქმეზე.
- სერგო, ჩემო კარგო... დათოს უნდოდა კიდევ რაღაცა ეთქვა, რომ მოულოდნელად ენა დაება და გაფიქორდა, თითქოს გრძნობს, რაც უნდა უთხრას სერგომო.
- შენ და გოგი თქვენსავე სოფელში ხართ დანიშნული ტრაქტორზე მემანქანებად.
- რას ამბობ, სერგო! ტრაქტორი ვინ მისცა ჩვენ სოფელს?
- ვინა და ჩვენმა მთავრობამ, საბჭოთა ხელისუფლებამ.

— ილდეგრძელე, ხალხის ერთგულო, მოამაგე! ძლივს ჩაილაპარაკა დათომ, სიხარულისგან ცეცხლად აენთო, წითლად აემზიურა პირისახე. ამის შემდეგ აღარ ახსოვს მას, როგორ გასცილდა სერგო ლაბაშვილს და რომელი ქუჩით წავიდა შინისაკენ, რომ ეს ამბავი ახლა გოგისთვის ეთქვა და გაეხარებინა.



# „ჩვენი ცოცხალი საქმე“

## წერილი პოლიტიკური კლუბთან არსებულ კორეელთა საბავშვო ბაღიდან.

გვინდა გვიამბოთ ყველას, საიდან მოვედით თქვენთან და რატომ ვცხოვრობთ ახლა საბჭოთა კავშირში.

ჩვენ მოვედით კორეიიდან; კორეია ძალზე დაშორებულია საბჭოთა კავშირისაგან.

თუ რომელიმე თქვენგანს აქვს რუკა ან გლობუსი, სთხოვეთ უფროსებს გიპოვნონ და გიჩვენონ კორეია, — მაშინ თქვენ თვითონ ნახავთ, თუ როგორ შორსაა ის თქვენგან.

კორეია ძალიან ლამაზი და თბილი ქვეყანაა, მაგრამ ჩვენი ცხოვრება იქ შეუძლებელი იყო, ვინაიდან იაპონიის ჟანდარმები ხოცავდნენ კორეის კომუნისტებსა და გლეხებს მხოლოდ იმიტომ, რომ მათ უნდოდათ თავისი ქვეყნიდან გაერეკათ იაპონელი მდიდრები და იაპონელი მეფე.

ჩვენი მამები — კომუნისტები, და ამიტომ მათ უნდა დაეტოვებინათ კორეია.

როდესაც ჩამოვედით საბჭოთა კავშირში, საბავშვო ბაღში მივებარეთ.

ჩვენ გვიყვარს ჩვენი საბავშვო ბაღი და მხიარულადავართ იქ. ბევრი საინტერესო სათამაშოც გვაქვს.

ახლა ჩვენ გწერთ საბავშვო ბაღიდან, ყველას ვუძღვებით სალამს და წინადადებას გაძღვეთ ვაწარმოოთ მიწერ-მოწერა.

ჩვენი მისამართი: მოსკოვი, ლეონტიევის შესახვევი, № 18, პოლიტიკური ემიგრანტების კლუბი.

## გადავედით მუშაობის ახალ სისტემაზე.

მაისის შუა რიცხვებში მოწვეულ იქნა სიღნაღის თემის პიონერთა კონფერენცია. კონფერენციამ დაამუშავა ახალი სისტემით მუშაობის საკითხი და აგრეთვე მოსთხოვა საინფორმაციო მოხსენება კახეთის სამაზრო ბიუროს.

ჩამოყალიბებულ იქნა რადიომოყვარულთა და მორხეს ანბანის შემსწავლელთა წრე, თემის მასშტაბით მოწყობილ იქნა პიონერთა სამკითხველო, რომელშიც მოწყობილია კუთხეები წრეების სამუშაოდ. ახალმა სისტემამ მისცა პიონერებს შესაძლებლობა, რომ სურვილისამებრ იმუშაონ სხვადასხვა წრეში და საინიციატივო ჯგუფებში.



საბავშვო ბაღის კორეელი ბავშვები.

## ჩვენი ნაკლი და მიღწევები

(ჩვენი კოლექტივის არსებობის 2 წლის თავის გამო).

2 წელი შესრულდა, რაც ქ. სიღნაღში არსებობს ამხ. ს. ჯუღელის სახ. ნ/პ. კოლექტივი, სადაც 63 პიონერი და 54 ოქტომბრელია. მისი მუშაობა სათანადო ღონისძიებებით ხორციელდება. გვაქვს: ლენინის, ჩვენი შემოქმედების (უმთავრესად ნახატები) და სხვა კუთხეები. მთელი ამ ხნის განმავლობაში გამოცემულია ყოველთვიური კედლის გაზეთის „პიონერის ხმა“ 29 ნომერი. უნდა აღინიშნოს, რომ ამ დარგში თითოეული პიონერი აქტიურ მონაწილეობას იღებს. კოლექტივში არსებობს თავისუფალი ორგანიზაციები: რემედასის, წითელი ჯგერის, ოსოავიაქიმის ბიურო და სხვა. გვაქვს სათანადო პოლიტიკური და მხატვრული ლიტერატურა. თანახმად თემკომის ცირკულიარისა, ვაგროვებთ

უფარვის ქაღალდსა და რკინას. ვდგამთ წარმოდგენებს და შეგროვილი ფულით ვეხმარებით უღარიბეს პიონერებს. თითოეული პიონერი ცდილობს მოიხილოს უპარტიო ამხანაგები ჩვენს რიგებში. ქალთა რიცხვი პირველ ხანებში მცირე იყო, ხოლო დღეს საგრძნობლად გაიზარდა. ჩამოყალიბებულია კალთ-ბურთის შემსწავლელი ჯგუფი. ეაკეთებთ მოხსენებებს უმნიშვნელოვანეს საკითხებზე. ჩვენს კოლექტივზე შეფომა აქვს აღებული კახეთის მედსანშრომის კავშირის, რომელმაც გვიყიდა საყვირი, დოლი, დროშა და თვითრად გვაძღვეს 5 მან. კოლექტივში

რამდენიმე პიონერი არ ემორჩილებოდა ნ. პ. წესდებას. ეს პიონერები გავასამართლეთ სხვა კოლექტივებთან ერთად, მათ დაუმტკიცდათ წამოყენებული ბრალდებები, და ისინი გამოვრიცხეთ. კოლექტივის ხელმძღვანელის ამხ. შ. მინადორაშვილის ენერგიული ქუშაობა ძალიან უწყობს ხელს ჩვენს წინსვლას. კოლექტივს ნაკლიც აქვს. ეს გამოიხატება იმაში, რომ ნაკლები ყურადღება ექცევა ასაკში მოსული პიონერების გადარიცხვას ა. ლ. ქ. ქ. უჯრედში. სუსტად მუშაობს თავდაცვა-ავიაქიმის ბიურო, არ არის ჩამოყალიბებული წრეობრავე მუშაობა. გარდა ამისა, მოისუსტებს ბექდვითი სიტყვის რწმუნებულის მუშაობა, მას ვაგრცელებული აქვს მხოლოდ „ახალგაზრდა კომუნისტი“ 7 ცალი და 2 ცალი „პიონერი“. დიდ ნაკლად ჩაითვლება აგრეთვე ის გარემოება, რომ ჩვენ კოლექტივს არა აქვს წერილობითი კავშიარი სხვა რომელიმე კოლექტივთან. მოისუსტებს რგოლების მუშაობაც, სათანადოდ ვერ არიან გამოყენებული აქტიური პიონერები კოლექტივის სხვადასხვა საქმიანობაში. იმედია, რომ ამ ნაკლსაც გამოასწორებს კოლექტივის საბჭო.

პიკორი ივ. ხუნაშვილი.

მიხეილ ცაკაშვილი.



### ჯურყვეთის თემი.

ოთხი წელია, რაც ჯურყვეთის თემში (ოზურგეთის მაზრა) არსებობს ნ/პ. კოლექტივი. ამ ხნის განმავლობაში მუშაობა ძლიერ მოისუსტეს.

არ იწვევენ კრებებს, არ არის პიონერული ლიტერატურა, ჟურ. „პიონერიც“ არ არის გამოწერილი. არ ეწყობა ექსკურსიები ან სხვა რაიმე. ადგილობრივი კომკავშირის თემკომი ამას ყურადღებას არ აქცევს, ეს მეორეხარისხოვან საქმედ მიაჩნია. არც უჯრედის წარმომადგენლობის ხელმძღვანელობა ჩანს. თვით კომკავშირელები არც-კი იცნობენ პიონერებს, არ იციან, ვინ არიან პიონერები, ან რა ევალებათ კომკავშირელებს წათ მიმართ. სამწუხაროა ისიც, რომ არც პიონერებმა იციან პიონერ-კოლექტივის მნიშვნელობა, რაც მიეწერება, ცხადია, კომკავშირის თემკომის და უჯრედების წარმომადგენლების გულგრილობას. კომკავშირის სამბიურო ყოველთვის ჰგზავნის ღირეტივებს, მაგრამ ის სადღაც კუნჯულში იმალება; ასეთი ხელმძღვანელობით კოლექტივი უსათუოდ დაიშლება.

გრიზა მოქია.

### ოქტომბრელთა მუშაობა

(ქ. ოზურგეთი)

ოზ. „ეპო“-ს, კომპარტიისა და კომკავშირთან არსებულ ლ. ქართველიშვილის სახელობის ნ/პ. კოლექტივის ოქტომბრელთა ჯგუფის მუშაობა მეტად წინ მიდის. ხელმძღვანელად გამოყოფილია ამხ. ნინო ვასაძე, რომელიც აწარმოებს აქტიურ და ენერგიულ მუშაობას. ოქტომბრელის ჯგუფში გაერთიანებულია 60 ბავში, დაყოფილია ვარსკვლავებად, თითო ვარსკვლავში შედის 5 ბავში; არსებობს 12 ვარსკვლავი, თითო ვარსკვლავს ჰყავს ხელმძღვანელი. ვარსკვლავის ხელმძღვანელი ვალდებულია საანგარიშო მოხსენება ჩაატაროს ოქტომბრელთა კრებაზე თავისი ვარსკვლავის მუშაობის შესახებ. მეცადინეობა კვირაში ერთხელაა. ყველა ოქტომბრელი გარკვეულია მუშაობაში.

მადლობის ღირსია ამხანაგი ნინო ვასაძე, რომელიც აწარმოებს აქტიურ და ენერგიულ მუშაობას ოქტომბრელთა ჯგუფში.

ბავშვკორი ქეთო ვასაძე.

### ჩვენი მუშაობა

სოფელ ტიბანში 1926 წლიდან არსებობს სტალინის სახელობის ნ/პ. კოლექტივი, რომელსაც ჰყავს საბჭო; კოლექტივი დაყოფილია 6 რგოლად; ვარჯიში და მეცადინეობა კვირაობით წარმოებს. რედკოლეგია უშვებს თვიურ კედლის გაზეთს „ნორჩი პიონერი“. არის სანიტარული კომისია, ლენინის და სტალინის კუთხეები. წერილობითი კავშირი გვაქვს ტფილისის რაიკომის მე-5 კოლექტივთან. სამკითხველოს გამოწერილი აქვს ჟურ. „პიონერი“, „ოქტომბრელი“ და გაზეთი „ახალი სოფელი“. პიონერებმა ჩაატარეს კულტურული ლაშქრობა და ქაღალდიც შეაგროვეს. ახლა სოფ. ახ. სკოლის მოწაფე პიონერები სოფლად ეხმარებიან მას, ვისაც არა ჰყავს მუშა-ხელი.

ნ. პ. კოლექტივის მუშაობა დამაკმაყოფილებელია, მაგრამ მას ხელს უშლის ეკონომიური სისუსტე.

პიონერი ფილა ლათაფაშვილი.

### ლაშქრობა კალიის წინააღმდეგ

სოფელი კასპში (გორის მაზრა) აშურბანის ველზე გაჩნდა კალია, რომელიც დიდ საფრთხეს უმზადებდა პურეულობის მოსაველიანობას, მაგრამ დროზე იქნა ზომები მიღებული მის წინააღმდეგ.

ადგილობრივმა კომკავშირის უჯრედმა მოაწყო ლაშქრობა, რომელსაც შეუერთდა აქვე არსებული ამხ. მარიამ ორახელაშვილის სახელობის ნორჩი პიონერთა კოლექტივი. სარაიონო ბიუროს თავმჯდომარის ხელმძღვანელობით, ისინი ერთად გაემგზავრენ ლაშქრობაში მონაწილეობის მისაღებად.

აღსანიშნავია ის გარემოება, რომ პიონერები დაუღალავი ენერგიით ებრძოდნენ კალიას, სთხრიდნენ თხრილებს, ცოცხებით და ნიჩბებით აგროვებდნენ და თავმოყრილ კალიებს მიწას აყრიდნენ.

ასეთი აქტიური და სამაგალითო მუშაობისათვის ნორჩი პიონერთა კოლექტივს მადლობა უნდა გამოეცხადოს.

ზ-ი.

### სამხატვრო წრე

ნ. პ. გორის ორგ. „ოქტ. რეგ.“ სახელობის № 1 კოლექტივის სამხატვრო წრის მუშაობა ნაყოფიერია.

წრის წევრები ხატავენ: პლაკატებს, ბელადების სურათებს და სხვადასხვა საგანს.

გორის მაზრის სამხატვრო წრეების საკონკურსო შეჯიბრში პირველი ჯილდო ჩვენმა წრემ მიიღო. სამაზრო ბიურომ ჯილდოს სახით ხსენებულ წრეს გადმოსცა: რეგულეები, ფანქრები, ნახატებიანი წიგნები, ფერადი საღებავები და სხვა.

საერთოდ ყოველი დღესასწაულის დროს სამხატვრო დავალებებს წრე კარგად ასრულებს; წრეში ირიცხება 5 წევრი.

წრის მუშაობას წინ ელობება უსახსრობა.

იმედია, ამას ყურადღებას მიაქცევს სამბიურო.

ბავშვკორი არ. აკოფოვი.

### მადლობის ღირსია!

(სურამი)

დიდი ხანია, რაც ქ. სურამში არსებობს ნ. პ. ორგანიზაცია, მაგრამ მას არავინ არ უწყევდა დახმარებას როგორც მატერიალურად, ისე ორგანიზაციულად. მაგრამ ექიმმა ამბარცუმ აკოფოვმა შესძინა სურამის ნ. პ. I კოლექტივს დიდი და საყვირი და ამჟამად განზრახული აქვს უყიდოს მას ქართული და რუსული ბიბლიოთეკა. სურამის ნ. პ. I კოლექტივი დიდ მადლობას უძღვნის მას. იგი ამჟამად სურამის ერთ-ერთ საპატიო პიონერად ითვლება.

ბ. ხარაზოვი.

### დაულის გზაზეა

(ხენაკის მაზრა, უშაბათის თემი).

უშაბათის თემის სოფელ ლეგოვანის 4-წლედთან 1928 წელს ჩამოყალიბდა მამია ორახელაშვილის სახელობის პიონერ-კოლექტივი. მუშაობა სუსტია. ხემძღვანელი გამოყოფილ იქნა თემკომიდან. ის პირველ ხანებში სისტემ ტიურ მუშაობას აწარმოებდა, მაგრამ მალე მიიძინა. მის შემდეგ კიდევ იქნა ხელმძღვანელი მიმავრებული, მაგრამ იმანაც ვერ გაამართლა პიონერ-კოლექტივის იმედები. საჭიროა სამკომმა ყურადღება მიაქციოს ამას, თორემ ჩვენი პიონერ-კოლექტივი დაულის გზაზეა დამდგარი.

პიონერი ვ. ქ-ია.



# მურზაყან და უჩა.



— აბა, მურზაყან, დაიწყე!.. ეხვეწებოდენ შავთმიან ბავშს.

- რა უნდა დავიწყო, ყველაფერი გიამბეო.
- რა და როგორ მოხვდი აქ, გვიამბე.
- აქი გითხარით!
- კიდევ მოჰყევი, რა გენაღვლება!..

არ მიცეს მოსვენება 13 წლის მურზაყანს, და მანაც წკრიალა ხმით დაიწყო:

— ხომ გახსოვთ, მაშინც ვთქვი, მე და უჩა ზემო სვანეთიდან ვართ. ჩვენი სოფლის ჩრდილოეთით უზარმაზარ კედელივით აყუდებულა მარად სპეტაკი თოვლით დაფარული მთები. მაგრამ მათ შორის თავის სილამაზით გამოირჩევა უშმა და თეთნულდი. ისინი ამჟამად დგანან, თავი ზეცაში აქვთ ატყორცნილი და თითქოს გახარებულივით ვადმოიყურებიან დაბლა. მათზე ლამაზი მთები, მგონია, არსად არ უნდა იყოს...

სტეფანწმინდელი ვაჟიკა წამოხტა, შეურაცხყოფადად იგრძნო თავი.

— მყინვარი ნაკლები არაა! ვინც ნახა, ყველაზე ლამაზად ის მიაჩნია.

— გაჩერდი, ვაჟიკა, შენ კი ვანაგრძე, მურზაყან, — ჩაეჩინე ბავშვები.

— ჩვენი მხარე ძალიან მდიდარია ტყეებით. მე და უჩა დანებით შეიარაღებულნი დავეხეტებოდით შიგ. მტრის გვეშინოდა, თუმცა ძალიან პატარები ვიყავით.

— ვინ გემტერებოდათ? — შეეკითხა შაქრო.

— აბა რა ვიცი, ბაბუა დუღე გვეუბნებოდა, ფრთხილად იყავით, სისხლი არ იძიონ, მამათქვენიც იმათ იმსხვერპლესო მე და უჩა ბაბუასთან ვიზრდებოდით ლაობლების შემდეგ. ძალიან განუფითარებელია მოხუცი ბაბუა. არათერი იცის დღევანდელი ცხოვრების. ამ ზაფხულს რომ წავალ, ბევრ რამეს ვუამბობ.

ჩვენი ცხოვრება ჩვეულებრივ მიდიოდა. ერთხელ სოფელს ხალხი ეწვია, გაშავებული და მზისგან დამწვარი. ჩვენ გაკვირვებული ვუყურებდით მათ. მაშინ ასე გავიგონე ერთის სიტყვები: „ექსკურანტი, ექსკურანტი“. ახლა კი ვიცი, ალბათ ექსკურსანტი სთქვა. სოფელმა სტუმრები მოიპატივა. ორი ბაბუასაც შეხვდა. რა მხიარული იყვნენ ისინი! ხალხით დაათვალიერეს კოშკი, აანტირესებდათ ყველაფერი და ბოლოს ყველანი ერთად დაგვაყენეს. რალაც მოგიაშვირეს, ატრი ლეს და ათი წუთის შემდეგ ჩვენი სურათები მოგვცეს. გაცეებით შევეყურებდით მაშინ იმ კოლოფს. თქვენ ყველა მიხვდით, რომ კოლოფი ფოტოაპარატი იყო.

- თქვენ ექსკურანტი ხართ? — შევეკითხე სტუმარს.
- ჰო, პატარავ, — სიცილით მიპასუხა მან.
- აქედან სად წახვალთ? — არ ასვენებდა უჩა.
- აქედან? ტფილისში... პირდაპირ ტფილისში.

იქ ფართო და ლამაზი ქუჩიბა. ტრამვაის ვაგონები დასრიანლებს. ხალხი ფუსფუსობს. ყველა სადღაც მიიჩქარის. ღამით ელექტრობა ინთება. მაშინ ქალაქი ზღაპრულად გამოიყურება. თითქოს ტფილისი ცეცხლში იწვისო.

ჩვენ დიდხანს ვტყებოდით მისგან მოყოლილი ამბებით, ბოლოს კი ვინატრეთ:

- ნეტავი იქ ვიყოთ!..
- ძალიან გინდათ იქ ყოფნა?..
- ძალიან, ძალიან!

უცნობს მეტი არაფერი უთქვამს. მეორე დღით ის ამხანავს ალაპარაკა რალაცას. მერე დუღე მიიწვიეს და სადღაც წაიყვანეს. ვაგიდა კარგახანი. ბაბუა დაბრუნდა, ტკბილად მოგვიანლეს. ჩვენ ქალაქში მივყავდით. მთელ სოფელს ვაგეო. ყველა გვემშვიდობებოდა. ბაბუა დუღესთან და „შავ“ ხალხთან ერთად დავუყვივით გზას. ხევთან ვავლისას, ბილიკის სივიწროვის გამო, უჩას ფეხი დაუცდა. კინაღამ დაემშვიდობა სიცოცხლეს. ჩვენში გზები ხომ სრულებით არაა. ერთი კვირის შემდეგ

ამ შენობაში მოგვიყვანეს, გარედან რომ აწერია: „თველ მთიელთა კულტურული სახლი“.

მათი ჩამოსვლის დღიდან ოთხი წელი გავიდა. მურზაყან და უჩა რამდენი ხანია სკოლაშია? დაღიან სახელმწიფო ხარჯზე ბევრი რამ ისწავლეს პაწიებმა. მურზაყანი კედლის გაზეთს ხელმძღვანელობს სკოლაში, უჩა სასკოლო კოოპერატივში ფუსფუსობს. ყველაფერში მონაწილეობას იღებენ ცელქები.

ამ ზაფხულს ძმები სოფელს ეწვიენ; ყველაფერი გამოცვლილიყო. გზა შეეკეთებინათ (უჩას ყველაზე უფრო ეს გაუხარდა, აფთიაქი და საავადმყოფო გავხსნათ. მომორებით კოოპერატივიც იყო. მის დანახვაზე უჩას თვალებით გაუბრწყინდა, მოავგონდა ცხელი საუზმე.

— ხედავ, მურზაყან, ეს კოოპერატივები ყველგან ყოფილა!..

- ჰოო...
- გასახარელია, არა?
- გასახარელია.

უკვე რამდენიმე დღე იყვნენ მოსული ძმები ბაბუასთან, მაგრამ მხოლოდ ახლა შეამჩნიეს ათამდე წამლის ცალიერი მუშა, კედელზე თოკით დაკიდებული.

— ვინ იყო ავად? — შეეკითხა მოხუცებულ დუღეს მურზაყანი.

— არავინ, — უკმაყოფილოდ უპასუხა ბაბუამ. გავიდა ერთი კვირა. მოხუცმა კიდევ მოიტანა შუშები. გაცემული მურზაყანი ჩუმად გაჰყვა მას. დუღე ჯერ იქითან შევიდა, იქიდან აფთიაქში და წამლით სავსე მუშა გამოიტანა. წავიდა მოხუცი წყაროზე, მოხსნა თავი წამლის შუშას და ის იყო უნდა დაეპირქვავეზინა, რომ ამ დროს მურზაყანის ხმაც მოესმა:

— შეჩერდი, შეჩერდი!.. დუღე შეკრთა, შემდეგ დამნაშავესავით ჩაილაპარაკა: — ამ წამლების არაფერი მწამს, შუშები კი ლამაზია!

ბავშვმა მას მოუყვა ყველაფერს, რაც კი იცოდა მკურნალობის შესახებ. ვინ იცის, დაიჯერა თუ არა მოხუცმა მისი ნალაპარაკები, თუმცა იმ შემთხვევის შემდეგ მას წამლები არ გადაუღვრია.

უჩა და მურზაყანი ბევრ რამეში ერთხმად ეთანხმებოდნენ ერთმანეთს. დუღეს პირდაპირ უთახნის ჯანსუღი ცხოვრობდა. უყვარდა ნადირობა და ყოველთვის გამარჯვებული ბრუნდებოდა.

- დალი მწყალობს, — ამბობდა იგი ხშირად.
- ის ზღაპარია, — იცინოდა მურზაყანი.
- ქალაქს ვაგეჟდი, ბავშვო? რას ამბობ?
- მართალს! არც დაღია და არც ეშმაკი.

ზაფხული მიიწურა. ბავშვები გამოემშვიდობნენ სოფელს. კოშკები შორიდან ძლივს მოჩანდა. ენგურის ღრიალი მოეწონათ. მთები ტყეებით იყო დაფარული. ყველაფერი ახარებდა გულს. მურზაყანი და უჩა ტფილისში დაბრუნდნენ. პირველს ბევრი მასალა ჰქონდა კედლის გაზეთისათვის, მეორეს კი — ბავშური სილამე და ახალი ენერგია კოოპერატივში სამუშაოდ.

დღე დღეს მისდევდა. ქალაქში ქარი ამოვარდებოდა ხანდახან.

ინვარს ბავშვები აღტაცებით შეხვდნენ. საერთო მწუხარებას, რომელიც დიდი ბელადის ხსოვნით იყო გამოწვეული, მურზაყანი და უჩაც შეუერთდნენ.

მათი სათუთი გული ტკივილებით დაისერა... ეს იყო მხოლოდ დროებით... მურზაყანმა და უჩამ კარგად იცოდნენ, რომ გლოვა ლენინზე არ იყო უიმედობის გამოწვევი, არამედ მომავალი ბრძოლის იმედებს ანთებდა გულში.





## ღრმა წყლის თევზები

ძველი თქმულების თანახმად, მესინის სრუტეში მეზღვაურებს ორი გველეშაპი უყარაულებდა. ერთ მხარეს იყო სცილა, მეორე მხარეს — ქარიბდა. ექვსთავიანი სცილა ექვს-ექვს კაცს იტაცებდა და ზღვის სიღრმეში მიჰქონდა, მერე კი ისევ ამოისვრიდა თავის ნადავლს.

ამ ლეგენდას საფუძვლად უდევს ის, რომ მესინის სრუტეში მეტად ძლიერი დინება და მორეგებია; აქ მეტად დიდი სიღრმიდან ამოაქვს წყალს ხანდახან საოცარი თევზები, რომლებსაც ვერსად ვერ ვხვდებით ჩვეულებრივ პირობებში; ზოგიერთ მათგანს უზამზარი პირი აქვს და გრძელი წვრილი კბილები, ზოგს — უცნაური, მილის მსგავსი თვალები; ამ თევზებს თავზე და გვერდებზე მანათობელი წერტილები აქვთ. არის თხელი, გამჭვირვალე ფოთლის წსგავსი თევზებიც. ყველა ესენი ღრმა წყალში ცხოვრობენ — 400 მეტრიდან დაწყებული რამდენიმე ათასი მეტრის სიღრმეზე. დინებას ამოაქვს ისინი ზევით, მათთვის საზიზღარ მზის სინათლეზე.

ძველ დროს არაფერი არ იცოდნენ ღრმაწყლიანი ზღვების ფსკერზე მცხოვრები ცხოველების შესახებ. მეცნიერებს ეგონათ, რომ 500 მეტრის სიღრმემდეა ზღვაში

სიცოცხლე, ამის ქვევით კი არცერთი ცოცხალი არსება არ არისო. ისიც კი ეგონათ, ზღვის ფსკერზე ყინულიაო. მე-XIX ს. თანდათან გაბატონდა საწინააღმდეგო აზრი, და ბადეში მოხვდნენ ხოლმე ღრმა წყლის არსებანი.

ალეირსა და სარდინიას შორის კაბელი გაფუჭდა; დაიწყეს ზღვის სიღრმის გაზომვა და დადი სიღრმიდან ისეთი ცხოველები ამოათრიეს, რომ ყველა ქვეყნის მეც-


ნიერები დაინტერესდნენ; ინგლისმა მოაწყო ექსპედიცია, რომელმაც 1872-1875 წელს გამოიკვლია ატლანტიური, ინდოეთის და წყნარი ოკეანეები; 1893-99 წელს ამ საკითხებზე მუშაობდა გერმანელების ექსპედიცია, რომელმაც აუარებული საინტერესო რამ აღმოაჩინა.

ღრმა წყლის ცხოველების თავისებურობა იქ ცხოვრების პირობებით აიხსნება. უპირველეს ყოვლისა, ზღვის ფსკერზე მუდამ ბნელა, და კვების პირობები სულ სხვაგვარია, ვიდრე ზღვის ზედაპირზე. მცენარეებს უსინათლოდ არ შეუძლიათ ცხოვრება, მცენარეები კი ცხოველების პირველ საკვებს წარმოადგენენ, ვინაიდან მხოლოდ მცენარეებს შეუძლიათ არაორგანიულ ნივთიერებათა ორგანიულ შენაერთებად გარდაქმნა (ეს ხდება მზის სინათლის ენერჯის მეოხებით). ამ ენერჯით ცხოვრობენ ცხოველებიც; ლომი რომ ხბოს სჭამს, ის „მცენარეებით იკვებება“, როგორც რწყილი, რომელიც ლომის სისხლს სწოვს. ოით იკვებებიან ღრმა წყლის თევზები? ყველა მათგანი ხომ არ არის ონავარი, ყველას არა აქვს ამისა თავი.

ზღვის ზედაპირის ფენებიდან ფსკერზე ცვივა აუარებელი ორგანიული ნივთი

ერება - დაღუპულ ცხოველთა და მცენარეთა სხეულები, რომლებითაც იკვებებიან ფსკერზე მცხოვრები ზოგი არსებანი, მათ კი სჭამენ სხვა არსებანი, მათ კიდევ სხვანი.

ზოგ თევზს, ფსკერზე მცხოვრებს, იმხელა პირი აქვს, რომ მთელი ცანის ნახევარს უდრის, გრძელი თე-



ზევით — თევზები (სამი), რომლებსაც საშინელი დიდი პირი აქვთ; შუაში — ფეხცხლისფერი თევზები (სამი) დურბინდის მსგავსი უზამზარი თვალებით; ქვევით — თევზი მაკრურუს, რომელსაც აგრეთვე ძალიან დიდი თვალები აქვს.



თრი კბილები მესერივით აქვს შემოვლებული და მოწითლს ამ თევზების ონაგრობას; ზოგი მათგანი უფრო დიდ არსებებსაც კი ჰყლავს, ვიდრე თვითონ არის.

მუდმივი სიბნელით არის გამოწვეული ამ თევზების თავისებურება: მათ აქვთ მინათობელი ორგანოები, სხვადასხვა სახის და სხვადასხვა ადგილას. ეს მინათობელი ორგანოები ჯირკვლებია, რომლების გამონაჟონი იჟანგება ორგანიზმის მიერ მოწოდებული ჟანგბადით, რაც იწვევს ნათებას, სხვადასხვაგვარი რეფლექტორი კი ამ სინათლეს ამა თუ იმ მხარეს ავრცელებს.


მნათობი წერტილები ხან აინთება, ხან ჩაქრება, იმის მიხედვით, თუ როდის რას მოისურვებს ამ წერტილების მქონე არსება. ანათებენ არა მხოლოდ თევზები, არამედ კიბოებიც. რატომ ანათებენ ისინი? — რომ გამოიციონ ერთმანეთი, მონახონ თავისი მსგავსნი. გარდა ამისა, მათ სხვა დანიშნულებაც აქვთ: ზოგიერთებს თვალს უკან აქვთ დიდი „ფარნები“, რომლებიც გზას უნათებენ მათ, ზოგიერთებს კი ასეთი „ფარანი“ გრძელი, კუდის მსგავსი დანამატის ბოლოზე აქვთ. ეს დანამატი იქით-აქით მოძრაობს; შეიძლება ამას იყენებენ საკბილოს მოსატყუილებლად: როგორც ვიცით, ღამე რომ წყალში ელექტრონის ღამფა ჩაუშვათ, მის ირგვლივ წყლის აურბელი მცხოვრები მოიყრის თავს.

შორიდანვე რომ შეამჩნიონ ეს პატარა მნათობი წერტილები, დიდ სიღრმეზე მცხოვრებ არსებებს თვალი სხვანაირად უნდა ჰქონდესთ მოწყობილი და მართლაც, მათი თვალები დურბინდს წააგავს. მაგრამ ზოგიერთებს, რომელნიც მუდამ ფსკერზე არიან, თვალები ძალიან სუსტი აქვთ, თითქმის ატროფიკენილი. რათ არის ასე? იმიტომ, რომ ყოველი ცოცხალი არსება გარემო პირობებს ეგუება, და ვინაიდან ზღვის ფსკერზე ბნელა, თვალები საჭირო არ არის—რა უნდა დაინახო ბნელაში? ადამიანიც რომ დიდხანს იყოს სიბნელეში, მისი თვალი გადაეჩვევა ხედვას, წახდება (გაიხსენეთ, როგორ გვჭრის ხოლმე პირველად სინათლე თვალს სიბნელის შემდეგ).

დიდ სიღრმეზე, ზღვის „უფსკრულში“ არც მორევია, არც ღელვა, იქ წყალი მუდამ მშვიდია. საერთოდ, ტალღების მოძრაობა 50 მეტრზე დაბლა აღარ არის.

თევზები, რომლებიც ასეთ „უძრავ“ წყალში ცხოვრობენ, უმეტეს შემთხვევაში ძალიან ცუდი მცურავები არიან. ცნობილია ის ფაქტიც, რომ ტბის თევზები უფრო ცუდად მცურავენ, ვიდრე ჩქარი მდინარის თევზები. სწორედ ამით აიხსნება ის გარემოება, რომ დიდ სიღრმეზე ბევრ თევზს ბოლო კი არა აქვს, არამედ მათრახის მსგავსი წვრილი კუდი. ზოგი თევზი კასრს წააგავს, მოუქნელი ტანი აქვს და მხოლოდ ფრთებით მოძრაობს; არიან ისეთნიც, რომლებსაც ძალზე განვითარებული აქვთ ფრთები; ისინი რომ წყლის ზედაპირზე ცხოვრობდნენ, ტალღების სათამაშოებად გადაიქცეოდნენ.

ყველას უნახავს გველთევზა. ისიც ღრმა წყლის შვილია. ის იქ იბადება, მერე ვითარდება. ჯერ არავის არ უნახავს გველთევზას ქვირითი, არც იქიდან ახლადგამომტყდარი ლიფსიტები. სულ ბაწაწა წვრილი თევზის სახით ამოდიან გველთევზები ზედაპირზე, შედიან მდინარეში, იქ ცხოვრობენ 5-6 წელიწადს და მერე ისევ ზღვის სიღრმეს მიაშურებენ. ამ დროს ისინი ფერს იცვლიან: ვერცხლისფერი ხდება, თვალები უდიდდებათ იმდენად, რომ თავის ზემო



ზევით—თევზი „დურბინდიანი“ თვალებით; შუაში—თევზი რომლის პირი ნისკარტს ჰგავს, ტანი კი ღენტს. ქვევით—ახლდაბადებული გველთევზა, რომელიც ფოთოლს წააგავს.

ზედაპირს იჭერს.

მრავლდებიან გველთევზები 1000 მეტრის სიღრმეზე. პირველად მათი ლიფსიტა ფოთოლს ჰგავს. მესინამ (იტალიაშია) შეუწყო ხელი ამ საინტერესო ცნობების შეკრებას: იქ წყალი დიდი სიღრმიდან მოაქანებს ზევით ზღვის ფსკერზე მცხოვრებ არსებებს.

როგორც ვხედავთ, ყოველი ცოცხალი არსება ეგუება გარემო პირობებს. ჩრდილოეთით, სადაც ძალიან ცივა, ცხოველებს გრძელი ბეწვი აქვთ, სამხრეთით, უდაბნოებში, პირიქით — ბეწვი მოკლეა, ვინაიდან არა ცივა და საჭირო არ არის „თბილი საბანი“ (გავიხსენოთ ლომი, სპილო), შორს დასანახავად ზოგ თევზებს ჭოვრის მსგავსი უზარმაზარი თვალები აქვთ და ბნელში მცხოვრებთ კი თვალები სულ უჩლუნგდებათ.

ასეთია ცხოვრების პირობებთან შეგუების აუცილებლობის შედეგები.



# საბჭოთა კავშირის შორეულ კუთხეში.



უზბეკისტანი საბჭოთა კავშირის შორეული კუთხეა. დაწყებული ქ. ორენბურგიდან ტაშკენტამდე უზარმაზარი ველებია გადაჭიმული. ეს ველები არ ჰგავს რუსეთის, უკრაინის ველებს, იქ არ ხარობს არც ხე და არც დიდრონი ღელეები მიჩანჩქერობს, ყველაფერი უდაბნოსავითაა გადატრუსული.

მხოლოდ გაზაფხულზე იცის აყვავება ამ ველებმა, სანამ მიწას დამდნარი თოვლის სისოვლე აქვს შენახული. მაშინ ველებს ააწითლებს ყაყაოები და სხვა ათასი ბუჩქი და ყვავილი, მაგრამ ამ ველების აყვავება ხანმოკლეა, ორი კვირის განმავლობაში ცხელი მზე მთლად გადასწვავს ყველაფერს. რამდენიმე მეტრის სიღრმეზე მიწა შრება, მცენარეულობას ესპობა არსებობის საშუალება.

ამ ველების მცხოვრებლები ყირგიზები არიან; ისინი მომთაბარე ხალხია; როცა ველი გადახმება, აჭიღებენ თავის ბარგი-ბარხანას აქლემებს და მიდიან ახალი მწვანე ადგილების საძებრად ცხვრის ფარებისათვის. მიემგზავრებიან უმთავრესად მთებისაკენ, სადაც ჩამორბის ნაკადულები და ფერდობები ამწვანებულია მოლით.

სადაც წყალია, იქ სიცოცხლეა. სადაც არაა წყალი, იქ სიკვდილია. ზაფხულში მკვდარ ველებზე სიჩუმეა. მრავალი ათასი კილომეტრის სიგრძეზე გადაჭიმულა კვილკუმას უდაბნო, სადაც მხოლოდ მომთაბარე ყირგიზები და ყაზახები დახეტიალობენ.

## უდაბნოს მცხოვრებნი.

ღარიბულად ცხოვრობენ მომთაბარენი. რგვალ იურტაში, რომელიც გაშენებულია ძლიერ მარტივად და ცხვრის ტყავითაა შემოხურული, მთელ სიმდიდრეს მხოლოდ რამდენიმე ბეწვეული და უბრალო სახმარი ნეტები შეადგენს. ამ უდაბნოში გაშენებულია კაზაკისტანის რესპუბლიკის დედაქალაქი კვილ-ორდი.

ამ ქალაქიდან კიდევ მრავალი ათასი კილომეტრის მანძილზე, ჩინეთის მხრისაკენ, გადაჭიმულია კიდევ ველები, მაგრამ აქ სულ სხვანაირი სურათი იშლება: იწყება ხეები, ვენახები.

ესაა უზბეკისტანის რესპუბლიკა. აქ უკვე არც იურტები ჩანს, დიდრონი ხეების მახლობლად ლამაზი შენობებია გაშენებული, დათესილია ბამბა, ბრინჯი, პური, აქ ბაღებია, ვარდები, აკაციები.

აი ტაშკენტიც— შუა აზიის რესპუბლიკათა ცენტრალური ქალაქი. ის ნამდვილი ქალაქ-ბალია. ქუჩები და მშენებელია დიდრონი ხეებით, ჩინარებით.

საინტერესოა, როგორ მოხდა, რომ შიშველი კაზაკისტანის გვერდით მშვენიერი ბაღებით და ყანებით ამწვანებული მხარე იწყება?

საიდუმლოება სწორედ მდინარეებშია, წყალი ამ უდაბნო ადგილების სიცოცხლის უდიდესი საშუალებაა.

## წყალთან.

უზბეკისტანი—თაზისია უდაბნოში. ცოტა, მაგრამ მაინც მოიპოვება წყალი. ხელოვნურად გაკეთებულ არხებში მოჩხრილობს მღვრიე წყლის ნაკადულები. ყველგან, სადაც გაყვანილია ასეთი არხები, სიცოცხლეა. მუდმივი თოვლით დაფარული მთებიდან მოჩხრილობს მდინარეები. ეს მდინარეებია სირ-დარია, ნარინა, კარა-დარია და ამუ-დარია; ეს მდინარეები დანაწილებულია და არხების საშუალებით სიცოცხლეს აძლევს მთელ მხარეს. ჯერ დიდრონი, შემდეგ პატარა და შემდეგ სულ პატარა არხებით ეს წყალი ეფინება უზბეკისტანის სოფლებსა და ყანებს, და მზისგან დამწვარ, დახეთქილ მიწას სასიცოცხლო ძალას მატებს.

წყალი—უზბეკისტანის სისხლია თითქოს, ხელოვნური რწყვა—ეს შუა აზიის სისხლის მიმოქცევის სისტემაა. ამ ქვეყნის სხეულში, როგორც სისხლის სადენი მილები, ისეა არხები.

დღედაღამე მიჩუხჩუხებს ამ არხებში წყალი, ამიტომ უზბეკისტანში ითესება ბრინჯი, ბამბა, გაშენებულია ბაღები, ხარობს დიდრონი ხეები.

ერთი ისეთი მდინარისაგან, როგორცაა ჩირჩიკა, რომელიც 8 მეტრის სიგანისაა, 45 არხია გაყვანილი, რომლითაც 170000 ჰექტარი მიწა ირწყვება.

უზბეკისტანში იციან, თუ რა ფასი აქვს წყალს. წყალს უფლიან და ინახვენ. ათასი მიხელე უვლის და მეთვალყურეობს წყლის მდინარებას არხებში. როცა რომელიმე რაიონში არ ყოფნის წყალი, ეს ველები პირველ რიგში იღებს წყალს, მაგრამ საკმაო ზომით.

წყლის მოპარვა იქ დიდ დანაშაულად ითვლება. იმ ადგილებში, სადაც წყლის მთავარი არხებია გაყვანილი და მახლობლად კი სოფლებია, ამ არხებს იცავენ დარაჯები. წყლის გადასაშვებ სათავეებში კი რაფები დიდრონი ბოქლომებითაა დაკეტილი.

წყალი აქ ნაციონალიზაციაქმნილია, მისი გაყიდვა არ შეიძლება. არსებობს სპეციალური კანონი წყლის შესახებ. ძველ დროს წყლის არხები და საერთოდ წყლით სარგებლობა უმთავრესად მდიდრების ხელში იყო.

ისინი სარგებლობდნენ ამ წყლებით ისე, როგორც სურდათ, ღარიბი, დაჩაგრული მოსახლეობა კი ხშირად უწყლოდ დაფავდა სულს, არ შეეძლო უწყლობის გამო დაეთესა თავისი მიწა.

რასაკვირველია, მდგომარეობა ახლა სრულიად შეცვლილია. წყალი მთელი სახელმწიფოს საკუთრებას შეადგენს, და მცხოვრებლებს ეძლევა ის საჭიროების მიხედვით. აი ასეთ მნიშვნელოვან როლს თამაშობს ჩვენი მეზობელი რესპუბლიკის — უზბეკისტანის — ცხოვრებაში წყალი.

სანი.



# მთელი საბჭოთა საზოგადოებრივობა აღ- ფრთხილებულია კოლონელი ფაშისტებით.

## მსოფლიოს მუშები აღფრთხილებული არიან კოლონეთის პერაგული კოლიტიპით საბჭოთა კავშირის მიმართ.

### ძირს პოლონელი პროვოკატორები! საბჭოთა მუშათა კლასი არ დაუ- შვებს მის შინაურ საქმეებში პოლონელი პოლკოვნიკების ჩარევას!

საქართველოს ყოველ კუთხეში, ქარხანაში, დაწესებულებაში, სკოლაში და სხვაგან იმართება დემონსტრაციები და საპროტესტო ფრინავი მიტინგები პოლონეთის მორიგი პროვოკაციის საწინააღმდეგოდ. აი მშრომელების პასუხი:

„მოვისმინეთ რა ცნობა ქართველი ემიგრანტების მანიფესტაციაზე ვარშავაში პოლონეთის ხელისუფლების ოფიციალური წარმომადგენლების დასწრების შესახებ, ჩვენ, მუშები და მოსამსახურენი, უღრმეს აღშფოთებას გამოვთქვამთ პოლონეთის ახალი ანტისაბჭოთა გამოსვლის გამო და გადაჭრით ვგმობთ პოლონეთის ხელისუფლების მიერ ემიგრანტთა კონტრარევოლუციონური ელემენტებისათვის მხარის დაჭერის ამ მორიგ ფაქტს. ვაცხადებთ, რომ პოლონეთის ფაშისტების დამძობილება ქართველ მენშევიკებთან ერთხელ კიდევ ამტკიცებს, რომ პოლონეთში გაბატონებული კლასები ცდილობენ იმპერიალიზმის ინტერესებისათვის დაარღვიონ მშვიდობიანი ურთიერთობა საბჭოთა კავშირთან.

დღე, იცოდენ პანებმა, ბურჟუებმა და პოლიციელებმა, რომ ოცნება საბჭოთა კავშირის მშრომელთა ხელახლად დამონებისა და მენშევიკური საქართველოს შესახებ განუხორციელებელია და რომ კავშირის მშრომელნი მზად არიან მკერდით დაიცვან დიდი ოქტომბრის დიადი მონაპოვარი, მსოფლიო მუშათა კლასის სოციალისტური სამშობლო!“

ჩვენ არ გვაშინებს პოლონეთის პროვოკაციული გამოსვლა, ხოლო ვერ მოვითმენთ, რომ ეს პოლკოვნიკების და ხუცების ბატონობის ქვეყანა ჩვენს შინაურ საქმეებში ერეოდეს. მთელი მსოფლიო მუშათა კლასის სიმპატიები და გულსყური ჩვენსკენაა; ინგლისის, ამერიკის, გერმანიის და სხვა ქვეყნების მუშათა კლასი არ დაუშვებს ბურჟუაზიის, მემამულეებისა და ნაძირალების გალაშქრებას საბჭოთა კავშირზე.

ბათომის ნავსადგურში მყოფმა უცხოელმა მეზღვაურებმა ბათომში პოლონეთის პროვოკაციის საწინააღმდეგოდ გამართულ მიტინგზე და დემონსტრაციაზე მიიღეს მონაწილეობა, ეს ფაქტი კი ბევრის მთქმელია.

მიტინგზე გამოსულმა უცხოელმა მეზღვაურმა კარლ ლენინკმა შემდეგი განაცხადა: „უცხოეთის მეზღვაურები, რომელნიც ბათომის ნავსადგურში იმყოფებიან, თავის ხმას საქართველოს პროლეტარიატს უერთებენ და მოითხოვენ პოლონეთის ჩაურევლობას საბჭოთა კავშირის შინაურ საქმეებში. საერთაშორისო პროლეტარიატი დარწმუნდა საბჭოთა კავშირის მშვიდობიან პოლიტიკაში და არ დაუშვებს სამხედრო დაშრობას საბჭოების წინააღმდეგ.“

ასეა განწყობილი არა მარტო ამხ. ლენინკი, არამედ მთელი მსოფლიოს მშრომელთა ათეული მილიონები, ეს კი ყველაზე გულწრფელი და რეალური პასუხია პოლონეთის და სხვა ბურჟუაზიული ქვეყნების პროვოკატორებისა და მუშათა კლასის ჯალათებისადმი.

საბჭოთა კავშირის ძლიერს, შეგნებულს და კლასიურ ბრძოლებში გამობრძმედილ პროლეტარიატს და მშრომელ გლეხობას საბჭოთა კავშირის გარეთ ყველაზე გულწრფელი და რეალური დამხმარე ძალა ჰყავს ათეული მილიონიანი ლენინკების სახით.

ჩვენ ეს ვიცით და ენერგიულად ვაკეთებთ იმ საქმეს, რომელიც დაგვისახა ამხ. ლენინმა!

ამ დიდ საქმეს ხელს ვერ შეუშლის პოლონეთის სამხედრო შტაბის ქოფაკი ძალების ყეფა და ემიგრანტების სისინი.